

✕

四

水經注卷第二十五

漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

泗水 沂水

泗水出魯卞縣北山

按沂水下營  
列洪水

地理志曰出濟陰乘氏縣又云出卞縣北經言北  
山皆為非矣山海經曰泗水出魯東北余昔因公  
事必歷徐沚路逕洙泗因令尋其源流水出卞縣  
故城東南桃墟西北春秋昭公七年謝息納季孫

之言以孟氏成邑與晉而遷于桃杜預曰魯國卞

縣東南有桃墟世謂之曰陶墟舜所處也井曰舜

井皆為非也墟有澤澤方一十五里御覽引此注云陶墟舜所

陶墟也井曰舜井皆為此澗水微渟當作澗三丈如

減澤西際阜俗謂之媯亭山蓋有陶墟舜井之言

因復有媯亭之名矣阜則有三石穴廣圓三四尺

穴有通否水有盈漏數久之則傾陂竭澤矣御覽

引此注云阜側有三石穴廣圓三四尺穴有左右

通否水有盈漏漏則數夕之中傾陂竭澤矣民居識其將漏預以木為曲狀約鄆穴口魚鼈暴

鱗不可勝載矣自此連岡通阜西北四十許里岡

之西際便得泗水之源也博物志曰泗出陪尾蓋

斯阜者矣石穴吐水五泉俱導泉穴各徑尺餘水

源南側有一廟栝栢成林時則謂之原泉祠非所

究也泗水西逕其縣故城南春秋襄公二十九年季

武子取卞曰聞守卞者將叛臣率徒以討之是也

南有姑蔑城春秋隱公元年公及邾儀父盟于蔑

者也水出二邑之間西逕郚城北春秋文公七年

經書公伐邾三月甲戌取須句遂城郚杜預曰魯

邑也卞縣南有郚城備邾難也泗水自卞而會於

洙水也

今此山是  
在上是  
此山是因  
泉故耳

西南逕魯縣北

泗水又西南流逕魯縣分爲二流水側有一城爲  
 二水之分會也北爲洙瀆春秋莊公九年經書  
 浚洙京相璠曰杜預並言洙水在魯城北浚深之  
 爲齊備也南則泗水夫子教于洙泗之間今於城  
 北二水之中卽夫子領徒之所也從征記曰洙泗  
 二水交於魯城東北十七里闕里背洙泗牆南北  
 一百二十步東西六十步四門各有石闕北門去  
 洙水百步餘後漢初闕里荆棘自闕從講堂至九  
 里鮑永爲相因修饗祠以誅魯賊彭豐等郭緣生

言泗水在城南非也余按國語宣公夏濫于泗水

里葦斷管葦之韋昭云泗在魯上當作北史記魯

記王隱地道記咸言葬孔子於魯城北泗水上今

泗水南有夫子冢春秋孔演圖曰鳥化爲書孔子

奉以告天赤爵銜書上化爲黃玉刻曰孔提命作

應法爲赤制說題辭曰孔子卒以所受黃玉葬魯

城北卽子貢廬墓處也譙周云孔子死後魯人就

冢次而居者百有餘家命曰孔里孔藜子曰夫子

墓塋方一里在魯城北六里泗水上諸孔氏封五

十餘所人名昭穆不可復識有銘碑三所獸碣具

子字衍後人所妄增也

存皇覽曰弟子各以四方奇木來植故多諸異樹  
不生棘木刺草今則無復遺條矣聖賢冢墓記云孔子冢塋中樹

以百數皆異種世世無能名其樹者其樹皆弟子持其方樹來種之有柞於維離女貞五味兔櫨檀之屬

泗水自城北南逕魯城西南合沂水沂水出魯

城東南尼丘山西北山即顏母所祈而生孔子也

山東一十里有顏母廟山南數里孔子父葬處禮

所謂防墓崩者也平地發泉流逕魯縣故城南水

北東門外即爰居所止處也國語曰海鳥曰爰居

止於魯城東門之外三日臧文仲祭之展禽譏焉

故莊子曰海鳥止郊魯侯觴之奏以廣樂具以太

宰三日而死此養非所養矣門郭之外亦戎夷

處呂氏春秋曰昔戎夷違齊如魯天大寒而後門

與弟子宿於郭門外寒愈甚謂弟子曰子與我衣

我活我與子衣子活我國士也為天子當作天子惜子

不肖人不足愛弟子曰不肖人惡能與國士并衣

哉戎歎曰不濟夫解衣與弟子半夜而死沂水北

對稷門昔圉人犖有力能投蓋于此門服虔曰能

投千鈞之重過門之上也杜預謂走接屋之榘反

覆門上也春秋僖公二十年經書春新作南門左

傳曰書不時也杜預曰本名稷門僖公更高大之

今猶不與諸門同故各高門也其遺基猶在地八丈餘矣亦曰雩門春秋左傳莊公十年公子偃請擊宋師竊從雩門蒙臯比而出者也門南隔水有雩壇壇高三丈曾點所欲風舞處也高門一里餘道西有道兒君碑是魯相陳君立昔曾參居此臯不入郭縣即曲阜之地少昊之墟有大庭氏之庫春秋豎牛之所攻也故劉公幹魯都賦曰戢武器於有災之庫有災字誤玉海引此注作有炎是也古史考云大庭氏姜姓以火德王號日炎放戎馬於巨野之坰周武王封姬旦於曲阜曰魯秦始皇二十三年以為薛郡漢高后元年為

以疑作似

費下當有人字

魯國阜上有季氏宅宅有武子臺今雖崩夷猶高數丈臺西百步有大井廣三丈深十餘丈以石壘之石以磬制春秋宣公十二年孫叔左傳是定公十二年公山不狃帥費攻魯公入季氏之宮登武子之臺也臺之西北二里有周公臺高五丈周五十步臺南四里許則孔廟即夫子之故宅也宅大一頃所居之堂後世以為廟漢高祖十三年過魯以太牢祀孔子自秦燒詩書經典淪缺漢武帝時魯恭王壞孔子舊宅得尚書春秋論語孝經時人已不復知有古文謂之科斗書漢書秘之宋本作漢時秘之希有見者

于時聞堂上有金石絲竹之音乃不壞矣廟屋三  
間夫子在西門東向宋本作西顏母舊本作在中

間南面夫人隔東一間東向夫子牀前有石硯一

枚作甚朴云平生時物也魯人藏孔子所乘車於

廟中是顏路所請者也獻帝時廟遇火燒之永平

中鍾離意為魯相到官出私錢萬三千文付戶曹

孔訴治夫子車身入廟拭几席劍履男子張伯除

堂下草土中得玉璧七枚伯懷其一以六枚白意

意令主簿安置几前孔子寢堂牀首有懸甕意召

孔訴問何等甕也對曰夫子甕也皆有丹書人勿

敢發也意曰夫子聖人所以遺甕從以應示後賢

耳發之中得素書文曰後世修吾書董仲舒護吾

車拭吾履發吾筭會稽鍾離意壁有七張伯藏其

一意即召問伯果服焉魏黃初二年文帝令郡國

修起孔子舊廟置百吏卒舊本作置百尺吏卒

舊本改作百夫堉按

詢仰之容漢魏以來廟列七碑二碑無字枯栢猶

茂廟之西北二里有顏母廟廟像猶嚴有修栢五

株孔廟東南五百步有雙石闕即靈光之南門北

水經注卷二十一

林公百夫志在  
當作百石卒史  
按其林但據桓帝  
永樂元年魯相乙  
璆置孔子廟百石  
卒史碑不知其初  
白置百石卒史未  
可執此例彼也百  
石卒史掌領禮器  
選年四十以上經通  
一莊雜詁利能  
奉即先聖之禮  
宗所師者乃孔  
氏孫為百石使  
卒別守衛之人亦

百餘步。卽靈光殿基。東西二十四丈。南北十二丈。高丈餘。東西廊廡別舍。中間方七百餘步。闕之東北有浴池。方四十許步。池中有釣臺。方十步。池臺悉石也。遺基尚整。故王延壽賦曰。周行數里。仰不見日者也。是漢景帝程姬子魯恭王之所造也。殿之東南。卽泮宮也。在高門直北道西宮中。有臺高八十尺。臺南水東西一百步。南北六十步。臺西水南北四百步。東西六十步。臺池咸結石爲之。詩所謂思樂泮水也。沂水又西。逕圓丘北。丘高四丈餘。沂水又西流。昔韓雉射龍於斯水之上。尸子曰。韓

雉見申羊於魯。有龍飲於沂。韓雉曰。吾聞也。出見虎搏之。見龍射之。今弗射。是不得行吾聞也。遂射之。沂水又西。右注泗水者也。

又西過瑕丘縣東。屈從縣東南流。潞水從東來注之。瑕丘。魯邑。春秋之負瑕矣。襄公七年。孫按左傳是哀公七年。

季康子伐邾。囚諸負瑕。是也。應劭曰。瑕丘在縣西南。昔衛大夫公叔文子升於瑕丘。蘧伯玉從。文子曰。樂哉斯丘。死則我欲葬焉。伯玉曰。吾子樂之。則

瑗請前刺其欲害民良田也。瑕丘之名。蓋因斯以表稱矣。曾子弔諸負夏。公叔文子升於瑕丘。曾子弔諸負夏。俱出檀弓上篇。





鄭玄皇甫謐並言衛地魯衛雖殊土則一也。潯水出東海合鄉縣。漢和帝永寧九年封馬光子復為侯國。其水西南流入邾。春秋襄公二年是哀公二年季孫斯伐邾取潯東田及沂西田是也。潯水又逕魯國鄒山東南而西南流。春秋左傳所謂嶧山也。邾文公之所遷。今城鄒山之陽依巖阻以墉固。故邾婁之國曹姓也。叔梁紇之邑也。孔子生於此。後乃縣之。因鄒山之名以氏縣也。王莽之鄒亭矣。京相璠曰地理志嶧山在鄒縣北。繹邑之所依。名也。山東西二十里。高秀獨出。積石相臨。殆無土。

嶧山在鄒縣北。繹邑之所依。名也。山東西二十里。高秀獨出。積石相臨。殆無土。

石尚多。孔穴洞達相通。往往有如數間屋。虛。

俗謂之嶧孔。遭亂輒將處當作居人入嶧外寇雖聚。

無所施害。永嘉中太尉郗鑒將鄉曲逃此山。胡賊

攻守不能得。今山南有大嶧。名曰郗公嶧。山北有

絕巖。秦始皇觀禮於魯。登於嶧山之上。命丞相李

斯以大篆勒銘山嶺。名曰畫門。御覽引此注作畫門。俱誤。唯山東通

志作畫門。近是。詩所謂保其鳧嶧者也。潯水又西南逕蕃

縣故城南。又西逕薛縣故城北。地理志曰夏車正

奚仲之國也。竹書紀年梁惠成王三十一年邳遷

于薛。改名徐州。城南山上有奚仲冢。晉太康地記

詩居嘗與  
許嘗即薛  
也許乃許  
田

奚仲冢在城南二十五里山上。百姓謂之神靈也。

齊封田文於此。號孟嘗君。有惠喻。惠喻前當作惠譽。即馮瑗焚券事。

也。今郭側猶有文冢。結石為郭。作制嚴固。瑩麗可

尋。行人往還。莫不逕觀。以為異見矣。潞水又西逕

仲虺城北。晉太康地記曰。奚仲遷於邳。仲虺居之。

以為湯左相。其後當周魯稱侯。後見侵削。霸者所

絀為伯。任姓也。應劭曰。邳在薛。宋本作薛。邳在薛。徐廣史記

音義曰。楚元王子邳。以呂后二年封上邳侯也。孫

按史記楚元王子邳。有下故。此為上矣。晉書地道記

曰。仲虺城在薛城西二十里。潞水又西逕至胡陸

縣。入于泗。故京相璠曰。薛縣潞水首受。蕃縣西注

山陽胡陸是也。經言瑕丘東。誤耳。

又南過平陽縣西

縣。即山陽郡之南平陽縣也。竹書紀年曰。梁惠成

王二十九年。齊田盼及宋人伐我東鄙。圍平陽者

也。王莽改之曰。龟平矣。泗水又南逕故城西。世謂

之漆鄉。應劭十三州記曰。漆鄉。邾邑也。杜預曰。平

陽東北有漆鄉。潞今見有故城。西南方二里。所未

詳也。

八年當作七

地理志山陽郡有  
橐縣音此一字  
却當為橐而在此  
說可也 高平既  
王莽所更則魏相  
所封乃臨淮郡之  
高平縣氏亦不能  
無誤耳地理志下  
注侯國

泗水南逕高平山山東西十里南北五里高四里  
與眾山相連其山最高頂上方平故謂之高平山  
縣亦取名焉泗水又南逕高平縣故城西漢宣帝

地節三年封丞相魏相為侯國高帝八年封將軍

陳錯為橐侯史記漢書功臣表並作橐侯陳錯為橐侯此注改作橐侯未知何據地理志曰縣故山

豈屬君君所見史漢別本有異乎

陽之橐也舊本橐王莽改曰高平應劭曰章帝改

按本志曰王莽更名章帝因之矣所謂洗水者洙

水也蓋洙洙相入受通稱矣

又南過方輿縣東漢地理志方輿縣屬山陽郡晉灼音房豫

漢哀帝建平四年縣女子田無醫生子先未生二  
月兒啼腹中及生不舉葬之陌上三日人過聞啼  
聲母掘養之

荷水從西來注之荷當作沛

荷水即沛水之所苞注以成湖澤也而東與泗水

合於湖陵縣西六十里穀庭城下俗謂之黃水口

黃水西北通巨野澤蓋以黃水公注于荷故因以

名焉

又屈東南過湖陸縣南洧洧水宋本作洧從東北來流

注之

沛當作沛

地理志曰故湖陸縣也荷水在南王莽更曰湖陸  
 應劭曰尚書一名湖陵章帝封東平王蒼子為湖  
 陵侯更名湖陵也泗水又東逕郟鑿所築城北又  
 東逕湖陵城東南昔桓温北入也范曄擒慕容忠  
 於此城東有度尚碑泗水又左會南梁水地理志  
 曰水出蕃縣今縣之東北平澤出泉若輪焉發源  
 成川西南流分為二水北水西出逕蕃縣北西  
 逕滕城北春秋左傳滕公十一年滕侯薛侯來朝  
 爭長薛侯曰我先王我周之十正也薛侯  
 姓也我不可以後之也父請薛侯曰君辱在

寡人周諺有之曰山有木工則度之賓有禮主則  
 擇之周之宗盟異姓為後寡人若朝于薛不敢與  
 諸任齒君若辱貶寡人則願以滕君為請薛侯許  
 之乃長滕侯者也漢高祖封夏侯嬰為侯國號曰  
 滕公鄧晨曰今沛郡公丘也其水又溉於丘焉於  
當作縣故城在滕西北按地理志即滕也周懿王

子錯叔繡文公所封也

埤按左傳富辰曰管蔡邲

原鄧郟文之昭也世本云周文王子錯叔繡封于  
滕杜預世譜並同唯漢書地志沛郡公丘縣注謂  
滕是周懿王子錯叔繡齊滅之秦以為縣漢武帝  
所封故水經注仍其說

元朔三年封魯恭王子劉順為侯國世以此水溉

我良田遂及百秬故有兩溝之名焉南梁水自枝渠西南逕魯國蕃縣故城東俗以南隣於濶亦謂之西濶水南梁水又屈逕城南應劭曰縣古小邾邑也地理志曰其水西流注于沛沛在湖陸西而左注西宋本作泗沛合流故地記或言沛入泗泗亦言入沛互受通稱故有入沛之文闕駟十三州志曰西至湖陸入泗是也經無南梁之名而有海涓之稱舊本作涓疑卽是水也戴延之西征記亦言湖陸縣之東南有海涓水亦無記於南梁謂是吳王所道之瀆也余按湖陸西南止自宋本作有是水延

之蓋以國語云吳王夫差起師將北會黃池掘溝於商魯之間北屬之沂西屬于沛以是言之故是水為吳王所掘非也余以水路求之止自泗川耳蓋北達沂西北逕於商魯而接於沛吳所浚廣耳非謂起自東北受沂西南注沛也假之有通非吳所趣年載誠聒人情厠近以今村古知一延之之不通情理矣泗水又南濶水注之又逕薛之上邳城西而南注者也

又南過沛縣東

昔許由隱於沛澤卽是縣也縣蓋取澤為名宋滅

屬楚左泗水之濱於秦為泗水郡治黃水注之黃水出小黃縣黃鄉黃溝國語曰吳子會諸侯於黃池者也黃水東流逕外黃縣故城南張晏曰魏郡有內黃縣故加外也薛瓚曰縣有黃溝故縣氏焉圈稱陳留風俗傳曰縣南有渠水於春秋為宋之曲棘里故宋之別都矣春秋昭公二十五年宋元公卒於曲棘是也宋華元居於穰里宣公十五年楚鄭圍宋晉解揚圍楚致命于此宋人懼使華元乘圍夜入楚師登子反之床曰寡君使元以病告弊邑易子而食析骸以爨城下之盟所不能也子

反退一舍宋楚乃平今城東圍上猶有華元祠祠之不輟城北有華元冢黃溝自城南東逕葵丘下春秋僖公九年齊桓公會諸侯于葵丘宰孔曰齊侯不務德而勤遠畧北伐山戎南伐楚西為此會東畧之不知西則否矣其有亂乎君務靖亂無勤於行晉侯乃還即此地也黃溝又東注大澤蒹葭莞葦生焉即世所謂大薺陂也陂水東北流逕定陶縣南

又東逕山陽郡

成武縣之楚丘亭北黃溝又東逕郟城北成武縣

城當作成

故城南王莽更之曰成安也黃溝又東北逕郟城  
北春秋桓公二年經書取郟大鼎于宋戊申納于  
大廟左傳曰宋督攻孔父而取其妻殺殤公而立  
公子憑以郟大鼎賂公臧僖伯諫為非禮十三州  
志曰今成武縣東南有郟城俗謂之北郟者也黃  
溝又東逕平樂縣故城南又東右合泡水即豐水  
之上源也水上承大薺陂東逕貫城北又東逕巴  
氏縣故城北王莽之巴善也縣有伊尹冢崔駰曰  
殷帝沃丁之時時伊尹卒葬于薄皇覽曰伊尹冢  
在濟陰巴氏平利鄉皇南謚曰伊尹年百餘歲而

呂覽作郟  
薄郟音衣  
疑即巴氏

薄當作衣

郟當作音

善當作衣

卒大霧三日沃丁葬以天子之禮親自臨喪以親  
大德焉又東逕孟諸澤杜預曰澤在梁國睢陽縣  
東北逕郟城縣故城南地理志曰山陽縣也王莽  
更名之曰郟城矣故世有南部北郟之論也又東  
逕單父故城南昔宓子賤之治也孔子使巫馬期  
觀政入其境見夜漁者問曰子得魚輒放何也曰  
小者吾大夫欲長育之故也子聞之曰誠彼形此  
子賤得之善矣惜哉不齊所治者小也王莽更名  
斯縣為利善矣世祖建武十三年封劉茂為侯國  
又東逕平樂縣右合泡水水上承濰水一作濰於



下邑縣界東北注一水上承灃水於枏秋縣界北  
 流世又謂之瓠盧溝水積為瀦瀦水東北流二渠  
 雙引左合灃水俗謂之二泡也自下灃泡並得通  
 稱矣故地理志曰平樂侯國也泡水所出又逕豐  
 西潭謂之豐水漢書稱高祖送徒麗山徒多亡到  
 豐西澤有大蛇當徑拔劍斬之此即漢高祖斬蛇  
 處也又東逕大偃水分為二又東逕豐縣故城南  
 王莽之吾豐也水側城東北流右合枝水上承豐  
 西大偃偃當作偃派流東北逕豐城北東注灃水灃水  
 又東合黃水時人謂之狂水蓋狂黃聲相近俗傳

上有大偃字知亦當作灃

失實也自下黃水又兼通稱矣水上舊有梁謂之

泡橋王智深宋史云宋太尉劉義恭於彭城遣軍

正舊本作遣軍王且本改作軍正並誤當作軍主

六朝時每謂將帥為軍主如梁書韋粲令軍主

鄭逸逆擊侯稽玄敬北至城覘候魏軍魏軍於清

西望見玄敬士眾魏南康侯杜道儁引趣泡橋浦

縣民逆燒泡橋又於林中打鼓儁謂宋軍大至爭

渡泡水水深酷寒凍溺死者殆半清水即泗水之

別名也沈約宋書稱魏軍欲渡清西非也泡水又

東逕沛縣故縣疑城南秦末兵起蕭何曹參迎漢  
 祖於此城高帝十一年封合陽侯劉仲子為侯國

城內有漢高祖廟。廟前有三碑。後漢立廟基。以青石爲之。階陛尚存。劉備之爲徐州也。治此。袁術遣紀靈攻備。備求救呂布。布救之。屯小沛。招靈請備共飲。布謂靈曰。玄德布弟也。布性不喜合鬪。但喜解鬪。乃植戟於門。布彎弓曰。觀布射戟小支。中者當各解兵。不中可留決鬪。一發中之。遂解。此卽布射戟支處也。述征記曰。城極大。四周塹。通豐水。豐水於城南東注泗。卽泡水也。地理志曰。泡水自平樂縣東北至沛入泗者也。泗水南逕小沛縣東。縣治故縣南。垞上東。沂有泗水亭。漢祖爲泗水亭長。卽此亭也。故亭今有高廟。廟前有碑。延熹十年立。廟闕崩。禡畧無全者。水中有故石梁處。遺石尚存。高祖之破黥布也。過之。置酒沛宮。酒酣歌舞。慷慨傷懷。曰。遊子思故鄉也。泗水又東南流。逕廣戚縣。故城南。漢武帝元朔元年。封劉澤爲侯國。王莽更之曰力聚也。泗水又逕留縣。而南逕垞。城東城西。南有崇侯虎廟。道淪遺愛。不知何因而遠。有此圖。泗水又南逕宋大夫桓魋冢。西山抗泗水上。而盡石鑿而爲冢。今人謂之石郭者也。郭有二重。石作工巧。夫子以爲不如死之速朽也。

石槿事具檀弓

又東南過彭城縣東北

泗水西有龍華寺。是沙門釋法顯遠出西域浮海東還持龍華圖首創此制。法流中夏。自法顯始也。其所持天基二石仍在。南陸東基堪中。其石尚光潔可愛。泗水又南。淮水入焉。而南逕彭城縣故城。東周顯王四十二年。九鼎淪沒泗淵。秦始皇時而鼎見於斯水。始皇自以德合三代。大喜。使數千人沒水求之。不得。所謂鼎伏也。亦云。系而行之。未出龍齒齧斷其系。故語曰。稱樂大早絕鼎系。當是孟浪之傳耳。泗水又逕龔勝墓南。墓碣尚存。又經亞父冢。東皇覽曰。亞父冢在廬江縣郭東。居巢亭中有亞父井。吏民親事。皆祭亞父於居巢廳上。後更造祠於郭東。至今祠之。按漢書項羽傳。歷陽人范增。未至彭城而發疽死。不言之。居巢。今彭城南有項羽掠馬臺。臺之西南山麓上。即其冢也。增不慕范蠡之舉。而自絕於斯。可謂褊矣。推考書墓事。近於此也。

又東南過呂縣南

呂。宋邑也。春秋襄公元年。晉師伐鄭。及陳。楚子辛救鄭。侵宋。呂留是也。縣對泗水。漢景帝三年。有白

頸鳥與黑鳥羣鬪於縣白頸鳥不勝墮泗水中死  
者數千京房易傳曰逆親親厥妖白黑鳥鬪時有  
吳楚之反泗水之上有石梁焉故曰呂梁也昔宋  
景公以弓工之弓彎弧東射矢集彭城之東飲羽  
於石梁即斯梁也懸濤湍澗實為泗嶮孔子所謂  
魚鼈不能游又云懸水三十仞流沫九十里今則  
不能也蓋惟嶽之喻未便極天明矣晉太康地記  
曰水出磬石書所謂泗濱浮磬者也泗水又東南  
流丁溪水注之溪水上承泗水於呂縣東南流北  
帶廣隰山高而注于泗川泗水冬春淺澁常排沙

通道是以行者多從此溪即陸賦所云乘丁水之

捷岸排泗川之積沙者也晉太原九年左將軍謝

玄於呂梁遣督護聞人奭用工九萬擁水立七堽

以利運漕者堽當作堽晉書謝玄堰呂梁水植柵立七堽為派擁二岸之流以利漕運

又東南過下邳縣西王莽之閭儉原本作王莽之閭儉矣志作閭儉

泗水歷縣逕葛嶧山東即奚仲所遷邳嶧者也泗

水又東南逕下邳縣故城西東南流沂水流納注

焉故東海屬縣也應劭曰奚仲自薛徙居之故曰

下邳也漢徙齊王韓信為楚王都之後乃縣焉王

莽之閭儉東陽郡治文穎曰秦嘉東陽郡今下邳

葛志作萬似誤後書作葛

志作閭儉

水經注卷之五

卷之五

八

是也。晉灼曰：東陽縣本屬臨淮郡。明帝分屬下邳。後分屬廣陵。故張晏曰：東陽郡今廣陵郡也。漢明帝置下邳郡矣。城有三重。其大城中有司馬石苞鎮東將軍胡質。司徒王渾。監軍石崇。四碑。南門謂之白門。魏武擒陳宮於此處矣。中城呂布所守也。小城晉中興北中郎將荀彧。郝曇所治也。昔太山吳伯武少孤，與弟文章相失二十餘年，遇於縣市。文章欲歐伯武，心神悲慟，因相詢問，乃兄弟也。俗風

通云：泰山吳文章少與兄伯武相失二十餘年，後會下邳市，爭鬪，伯武歐之。文章不忍，報更相借問，乃親兄也。文章後縣為沂泗之會也。又有武原水，注官陳留太守。

六水出彭城武原縣西北。會注陂南，逕其城西。王莽之樂亭也。縣東有徐廟山，山因徐徙，以官名之也。山上有石室，徐廟也。武原水又南合武水，謂之

泗水。南逕剛亭城，又南至下邳入泗，謂之武原水口也。又有桐水出西北，東海容丘縣東南，至下邳入泗。泗水東南至下相縣，故城東。王莽之從德也。城之西北有漢太尉陳球墓，墓前三碑，是弟子管寧、華歆等所造。初平四年，曹操攻徐州，破之，拔取慮、睢、陵、夏丘等縣，以其父避難被害於此，屠其男女十萬。泗水為之不流，自是數縣人無行跡亦

為暴矣。泗水又東南得睢水口。泗水又逕宿預城之西。又逕其城南。故下邳之宿留縣也。王莽更名之曰康義矣。晉元皇之為安東也，督運軍儲而為邸閣也。魏太和中，南徐州治。後省為戍。梁將張惠紹北入，水軍所次，憑固斯城，更增修郭，塹其四面，引水環之。今城在泗水之中也。

又東南入于淮

泗水又東逕陵柵南。西征記曰：舊陵縣之治也。泗水又東南逕淮陽城。城一本無北臨泗水。昔菑丘訢飲馬，斬蛟，眇目於此處也。韓詩外傳：東海有勇士菑丘訢，過神泉飲

馬馬為蛟所取，訢拔劍入水三日三夜，殺二蛟而出。雷神隨而擊之，眇其左目。吳越春秋作椒丘訢云：訢為齊王使吳，過淮津，飲馬於淮水，神取其馬，訢大怒，袒裼持劍入水，求神決戰，連日乃出，眇其目。泗水又東南逕魏陽城北。城枕泗川。陸機行思賦曰：行魏陽之枉渚，故無魏陽疑。即泗陽縣故城也。王莽之所謂淮平亭矣。蓋魏文帝幸廣陵所由，或因變之，未詳也。泗水又東逕角城北，而東南流注于淮。考諸地說，或言泗水於睢陵入淮，亦云於下相入淮，皆非實錄也。

沂水出泰山蓋縣艾山

鄭玄云：出沂山，亦或云臨樂山。水有三源：南源所

導世謂之柞泉屯水所發俗謂之魚窟山

御覽引此注云

臨樂山水有二源南源所導世謂之柞泉北水所發俗所謂魚窟泉

俱東南流合成

一川右會洛預水水出洛預山東北流注之沂水

東南左合桑預水水比出桑預山東流

一作于沂

水沂水又東南螳蜋水入焉出魯山東南流右注

沂水水又東逕蓋縣故城南東會連綿之水水發

連綿山南流逕蓋城東而南入沂沂水又東逕浮

來之山春秋經書公及莒人盟于浮來者也即公

來山也在邳鄉西故號曰邳來之間也浮來之水

注之其水左控三川右會甘水而注于沂沂水又

南逕瀑山西山有二峰相去一里雙巒高秀員嶠

若一沂水又東南逕東苑縣故城西與沂水合孟

康曰縣故鄴邑今鄴亭是也漢武帝元朔二年封

城陽共王弟吉為東苑侯孫按史漢年表俱作東苑侯志隱曰屬邳邪

魏文帝黃初中立為東苑郡晉書地理志云太康元年分邳邪置東苑郡

統縣入一曰東苑故魯邳邑也曰未虛營陵東燕

錄謂之團城劉武帝北伐廣固登之以望王難王

字誤當作五龍廣固有五龍口塞魏南青州治左

氏傳曰莒魯爭鄆為日多宋本矣今城北鄆亭是

也京相璠曰琅邪姑幕縣南四十里員亭故魯鄆

鄆當作鄆

鄆公羊作運古運字讀為云與負同音

彪志東苑有鄆亭

邑世變其字非也郡國志東苑有鄆亭今在圍城東北四十里猶謂之故東苑城矣小沂水出黃孤山西南流逕其城北西南注于沂沂水又南與閭山水合水出閭山東南流右佩二水總歸于沂沂水南逕東安縣故城東而南合時密水水出時密山莒地莒人歸共仲于魯及密而死是也密水東流逕東安城南漢封魯孝王子強為東安侯漢地理志東海郡有東安縣王子子侯表云廿露四年封魯孝王子子強為東安侯密水又東南流入沂沂水又南桑泉水北出五女山東南流巨圍水注之水出巨圍之山東南注于桑泉水桑泉水

苑誤為

又東南堂阜水入焉其水導源堂阜春秋莊公九年管仲請囚鮑叔受之及堂阜而稅之杜預曰東苑蒙陰縣西北有夷吾亭者是也堂阜水又東南注桑泉水桑泉水又東南逕蒙陰縣故城北王莽之蒙恩也又東南與叟崗水合水有二源雙會東導一川俗謂之汶水也東逕蒙陰縣注桑泉水又南東廬川水注之水出鹿嶺山東南流左則二川臻湊右則諸葛泉源斯奔亂流逕城陽之盧縣故蓋縣之盧上里也漢武帝元朔二年封城陽共王弟劉稀為侯國漢書王子子侯表云城陽共王弟稀封雷侯按盧與雷古字通用周



禮廬維讀作雷雍是也王莽更名之曰著善矣又東南注于

桑泉水桑泉水又東南右合蒙陰二水水出蒙陰

山東北流昔琅邪承宮避亂此山立性好仁不與

物競人有認其黍者捨之而去東觀漢記承宮將妻于入華蓋蒙陰

山谷耕種禾黍人有認其黍者亦不與競捨之而去其水東北流入沂沂水

又南逕陽都縣故城東縣故陽國也齊同盟齊利

其地而遷之者也漢高帝六年封將軍丁復為侯

國沂水又南與蒙山水合水出蒙山之陰東流逕

陽都縣南東注沂水沂水又左合溫水水上承溫

泉陂而西南入于沂水者也

臨沂屬海東

南過琅邪臨沂縣東又南過開陽縣東

沂水南逕中丘城西春秋隱公七年夏城中丘左

傳曰書不時也沂水又南逕臨沂縣故城東郡國

志曰琅邪有臨沂縣故屬東海郡有洛水注之水

出太山南武陽縣之冠石山地理志曰冠石山洛

水所出應劭地理風俗志曰武水出焉蓋水異名

也東流逕蒙山下有蒙祠洛水又東南逕顓臾城

北郡國志曰縣有顓臾城季氏將伐之孔子曰昔

者先王以為東蒙主社稷之臣也何以伐為冉有

曰今夫顓臾固而便近於費者也洛水又東南流

便字是郡國志之文否未詳

逕費縣故城南地理志東海之屬縣也為魯季孫之邑子路將墮之公山弗擾師襲魯弗克後季氏為陽虎所執弗擾以費畔即此邑也漢高帝六年封陳賀為侯國王莽更名之曰順從也許慎說文云沂水出東海費縣東西入泗從水斤聲呂忱字林亦言是矣斯水東南所注者沂水在西不得言東南趣也皆為謬矣故世俗謂此水為小沂水洛水又東南逕祊城南春秋隱公八年鄭伯請釋太山之祀而祀周公使宛歸泰山之祊而易許田杜預釋地曰祊鄭祀泰山之邑也在琅邪費縣東南

今名曰祊水謂矣

洛水又東南流注于沂沂水又南逕開陽縣故城東縣故邾國也春秋左傳昭公十八年邾人襲魯盡俘以歸邾子曰余無歸矣從孥于邾是也後更名開陽矣春秋哀公三年經書季孫斯叔孫州仇帥師城啓陽者是矣縣故琅邪郡治也

又東過襄賁縣東屈從縣西南流又屈南過郊縣西魯連子稱陸子謂齊湣王曰魯費之衆臣甲舍于襄賁者也王莽更名章信也郊故國也少昊之後春秋昭公十七年郊子朝魯公與之宴昭子叔孫婁問曰少昊鳥名官何也郊子曰吾祖也我知之

黃帝炎帝以雲火紀官太皞以龍紀少皞瑞鳳鳥  
統歷鳥官之司議政斯在孔子從而學焉既而告

人曰天子夫官學在四夷者也孫按左傳郊子曰昔者黃帝氏以雲

紀炎帝氏以火紀其子氏以水紀太皞氏以龍紀我高祖少皞氏摯之立也鳳鳥適至故紀於鳥自顯頊以來不能紀遠乃紀於近為民師而命以民事則不能故也竹書紀年晉烈

公四年越子末句滅郊以郊子鵠歸今竹書紀年晉烈公六年

於越子朱勾伐縣故舊魯也東海郡治秦始皇以

為郊郡漢高帝二年更從今名即王莽之沂平者也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳

子辭水道不可以行晉乃還是也地理志曰良城

王莽更名承翰矣沂水於下邳縣北西流分為二

水一水於城北西南入泗一水逕城東屈從縣南

亦注泗謂之小沂水水上有橋徐泗間以為地昔

張子房遇黃石公於圯上即此處也建安二年曹

操圍呂布於此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或

作池字蓋字誤也洙水自山西西北逕蓋縣漢景帝

中元五年封后兄信為侯國。又西逕泰山東平陽縣。春秋宣公八年冬，城平陽。杜預曰：今泰山平陽縣是也。河東有平陽，故此加東矣。晉武帝元康九年，改為新泰縣也。

西南至卞縣入于泗

洙水西南流，盜泉水注之。泉出卞城東北卞山之

陰。尸子曰：孔子至於暮矣，而不宿於盜泉，渴矣，而

不飲，惡其名也。史記鄒陽傳注引尸子曰：孔子至

鹽鐵論並云：里名勝母，曾子不入。故論撰考識曰：水名盜泉，仲尼

不漱，即斯泉矣。西北流注于洙水。洙水又西南流

于卞城西，西南泗水亂流，西南至魯縣東北，又分

為二水。水側有故城，兩水之分會也。洙水西北流

逕孔里，此是謂洙泗之間矣。春秋之浚洙，非謂始

導矣。蓋深廣之耳。洙水又西南，枝津出焉。又南逕

瑕丘城東，而南入石門，門又結石為水門，跨於水

上也。西南流，世謂之杜武溝。洙水又西南逕南平

陽縣之顯閭亭西，邾邑也。春秋襄公二十一年，經

書邾庶其以漆閭丘來奔者，杜預曰：平陽北有顯

閭亭。十三州記曰：山陽南平陽縣，又有閭丘鄉。從

征記曰：杜謂顯閭丘也。今按漆鄉在縣東北，漆鄉

東北十里見有閭丘鄉顯閭非也然則顯閭自是

別亭未知孰是又南洸水注之呂忱曰洸水出東

平上水當作承汶水於岡縣西闡亭東爾雅曰汶別

為闡其曰洛之波矣一作其由洛之有波矣洸水西南流逕

盛鄉城西京相璠曰岡縣西南有盛鄉城者也又

南逕太山寧陽縣故城西漢武帝元朔三年封魯

共王子劉恬為侯國王莽改之曰寧順也又南洙

水枝津注之水首受洙西南流逕瑕丘城北又西

逕寧陽城南又西南入于洸水洸水又西南逕太

山郡乘丘縣故城東趙肅侯二十年韓將舉與齊

魏戰于乘丘即此縣也史記世家趙肅侯二十二年韓舉與齊魏戰死于桑

丘漢地志太山郡有乘丘乃史誤也漢武帝元朔五年封中山靖王

子劉將夜為侯國也洸水又東南流注于洙水又

南至高平南入于泗水西有茅鄉城東去南平高家克

云當作高平三十里京相璠曰今高平縣西三十里有

故茅鄉城者也

九月初二日乙夜閱

水經注箋卷第二十六

漢 桑欽撰

後魏 酈道元 注

明 李長庚訂

孫汝澄

朱謀埠箋

李克家全校

沐水 巨洋水

淄水

汶水 濰水

膠水

沐水出琅邪東莞縣西北山

漢地理志衛水出琅邪郡東莞縣南至下邳入

泗過郡三行七百一十里青州寢

大棄山與小太山連麓而異名也

大棄字誤宋本作大弁按山東

古志亦作大弁山與小太山連麓則此大棄乃寫譌也

引控衆流積以成川

東南流逕邳鄉南南去縣八十許里城有三面而不周於南故俗謂之半城沐水又東南流左右峴水水北出大峴山東南流逕邳鄉東東南流注于沐水也

東南過其縣東

沐水左與箕山之水合水出東諸縣西箕山劉澄之以為許由之所隱也更為巨謬矣其水西南流注于沐水也

又東南過莒縣東

地理志曰莒子之國盈姓也少昊後列女傳曰齊

人杞梁殖襲莒戰死其妻將赴之道逢齊桓公公

將弔之杞梁妻曰如殖有罪君何辱命焉如殖無

罪有先人之弊廬在下妾不敢與郊弔公旋車弔

諸室妻乃哭於城下七日而城崩列女傳云齊莊公襲莒杞梁殖

戰而死莊公歸遇其妻使弔於路杞梁妻曰妾有先人之敝廬在莊公乃還車詰其室成禮然後去

此云桓公故琴操云殖死妻援琴作歌曰樂莫樂

字之譌也今新相知悲莫悲今生別離哀感皇天城為之墜

即是城也其城三重並悉崇峻唯南開一門內城

方十二里郭周四十許里尸子曰莒君好鬼巫而

國亡無知之難小白奔焉樂毅攻齊守嶮全國秦

按此二百乃九歌少司命之辭

注疑作柱

始皇縣之漢興以為城陽國封朱虛侯章治莒王  
 莽之莒陵也光武合城陽國為琅邪國以封皇子  
 京雅好宮室窮極伎巧壁帶飾以金銀明帝時京  
 不安莒移治閭陽矣後漢書作章帝時沐水又南  
 表公謝云表公當作袁公水東出清山尋坤維而注沐沐水  
 又南潯水注之水出於巨公之山西南流舊竭以  
 溉渚田東西二十里南北十五里潯水又西南流  
 入沐沐水又南與葛陂水會水發三注山西南流  
 逕辟城城南世謂之辟陽城史記建元以來王子  
 侯者年表曰漢武帝元朔二年封城陽共王子劉

侯劉壯為侯國也漢書王子侯表云元朔二年五月甲戌封城陽共王子壯為壁  
侯謚曰節侯其水於邑積以為陂謂之辟陽湖西  
舊本元符誤南流注于沐水也

又南過陽都縣東入于沂

沐水自陽都縣又南會武陽溝水水東出倉山山  
 上有故城世謂之監官城非也即古有利城矣漢  
 武帝元朔四年封城陽共王子劉釘為侯國也其  
 城因山為基水導山下西北流謂之武陽溝又西  
 至即丘縣注于沐沐水又南逕東海郡即丘縣故  
 春秋之祝丘也桓公五年經書齊侯鄭伯如紀城



祝其作

况志作祝

堰 喝 一作

去音肥

祖皆當作

祝丘左傳曰齊鄭朝紀欲襲之漢立為縣王莽更  
 之曰就信也郡國志曰自東海分屬琅邪闕駟曰  
 郎祝魯之音蓋字承讀變矣沐水又南逕東海厚  
 丘縣王莽更之祝其亭也分為二瀆西南出今無  
 水世謂之枯水當作枯沐一瀆南逕建陵縣故城東漢  
 景帝八年封石綰為侯國孫云按史記年表景帝六年備綰封建陵侯  
 王莽更之曰付亭也沐水又南逕陵山西魏正元  
 中齊王之鎮徐州也立大堰過水西流兩瀆之會  
 置城防之曰曲沐戍自流三十里西注沐水舊瀆  
 謂之新渠自厚丘西南出左會新渠南入淮陽宿

預縣注泗水地理志所謂至下邳注泗者也經言  
 於陽都入沂非矣沐水左瀆自大堰水斷故瀆東  
 南出桑堰水注之水出襄賁縣泉流東注沐瀆又  
 南左合橫溝水水發瀆右東入沐之故瀆又南暨  
 于堰舊本作暨于渴蓋喝字之誤也吳改作堰其水西南流逕司吾山  
 東又逕司吾縣故城西春秋左傳楚執鍾吾子以  
 為司吾縣王莽更之息吾也又西南至宿預注泗  
 水也沐水故瀆自下堰東南逕司吾城東又東南  
 歷祖口祖當作祖下同城中祖水出於楚之祖地春秋襄  
 公十年經書公與晉及諸侯會吳于祖春秋作祖杜預云祖

祝其作

况志作祝  
半曲農閱

堰一作

祝丘左傳曰齊鄭朝紀欲襲之漢立為縣王莽更  
 之曰就信也郡國志曰自東海分屬琅邪闕駟曰  
 郎祝魯之音蓋字承讀變矣沐水又南逕東海厚  
 丘縣王莽更之祝其亭也分為二瀆西南出今無  
 水世謂之枯水當作枯沐一瀆南逕建陵縣故城東漢  
 景帝八年封石綰為侯國孫云按史記年表景帝  
六年備綰封建陵侯  
 王莽更之曰付亭也沐水又南逕陵山西魏正元  
 中齊王之鎮徐州也立大堰過水西流兩瀆之會  
 置城防之曰曲沐戍自流三十里西注沐水舊瀆  
 謂之新渠自厚丘西南出左會新渠南入淮陽宿

音肥

預縣注泗水地理志所謂至下邳注泗者也經言  
 堰原本作堰即入沂非矣沐水左瀆自大堰水斷故瀆東

南出桑堰水注之水出襄賁縣泉流東注沐瀆又

南左合橫溝水水發瀆右東入沐之故瀆又南暨

于堰舊本作醫于渴蓋竭  
字之誤也吳改作堰其水西南流逕司吾山

東又逕司吾縣故城西春秋左傳楚執鍾吾子以

為司吾縣王莽更之息吾也又西南至宿預注泗

水也沐水故瀆自下堰東南逕司吾城東又東南

歷祖口祖當作  
祖下同城中祖水出於楚之祖地春秋襄

公十年經書公與晉及諸侯會吳下祖春秋作祖  
杜預云祖

祖皆當作

楚地音莊加反京相璠曰宋地今彭城偃陽縣西

北有祖水溝夫偃陽八十里東南流逕偃陽傳縣

故城東北地理志曰故偃陽國也春秋左傳襄公

十年夏四月戊午會于祖晉荀偃士句請伐偃陽

而封宋向戌焉荀瑩曰城小而固勝之不武弗勝

為笑固請丙寅圍之弗克孟氏之臣秦董父輦重

如役偃陽人啓門諸侯之士門焉縣門發鄆克家云左

傳作人紇抉之以出門者狄虎彌建大車之輪而

蒙之以甲以為櫓左執之右拔戟以成一隊孟獻

子曰詩所謂有力如虎者也主人縣布董父登之

及堞而絕之墜則又縣之蘇而復有三主人

焉乃退帶其斷以徇於軍三日諸侯之師久於偃

陽請歸智伯怒曰七日不克爾乎取之以謝罪也

荀偃士句攻之親受矢石遂滅之以偃陽子歸獻

子據左傳子字衍于武宮謂之夷俘偃陽妘姓也漢以為

縣漢武帝元朔三年封齊孝王子劉就為侯國王

莽更之輔陽也郡國志曰偃陽有祖水祖水而南

亂于沂而注于沐謂之祖口城得其名矣東南至

胸縣入游注海也孫云胸縣當作胸縣

巨洋水出朱虛縣泰山北過其縣西

泰山即東小泰山也。巨洋水即國語所謂具水矣。袁宏謂之巨昧。王韶之以為巨曩。亦或曰胸瀾。皆一水也。而廣其目焉。其水北流逕朱虛縣故城西。漢惠帝二年封齊悼惠王子劉章為侯國。地理風俗記曰。丹山在西南。丹水所出。東入海。丹水由朱虛丘阜矣。故言朱虛。城西有長坂遠峻。名為破車峴。城東北二十里有丹山。世謂之凡山。縣在西南。非山也。丹字相類。音從字變也。山導丹水有二源。各導一山。世謂之東丹。西丹水也。西丹自穴山北流。逕劇縣故城東。東丹水注之。出方山。山有三

通鑑注  
所引本  
書改正

水一水即東丹水也。北逕縣谷。西丹水而亂流。又東北出。逕濟薄澗。北濟水亦出。方山流入平壽縣。積而為渚。水盛則北注。東南流。屈而東北流。逕平壽縣故城西。而北入丹水。謂之魚合口。丹水又東北逕望臺東。東北注海。蓋亦縣所氏者也。

又北過臨朐縣東

巨洋水自朱虛北入臨朐縣。熏冶泉水注之。水出西谿。飛泉側瀨於窮坎之下。泉谿之上。源麓之側。有一祀。目之為冶泉祀。按廣雅。金神謂之清明。斯地蓋古冶官所在。故水取稱焉。水色澄明而清冷。

祀疑作祠

特異淵無潛石淺鏤沙文中。有古壇參差相對。後人微加功飾。以為嬉遊之處。南北邃岸凌空。疎木交合。先公以太和中作鎮海岱。余總角之年。持節東州。至若炎夏火流。閑居倦想。提琴命友。嬉娛永日。桂筍尋波。當作桂輕林委浪。琴歌既洽。懽情亦暢。是焉棲寄。實可憑衿。小東有一湖。佳饒鮮筍。匪直芳齊芍藥。實亦潔並飛鱗。其水東北流入巨洋。謂之熏冶泉。又逕臨朐縣故城。東城古伯氏駢邑也。漢武帝元朔二年。封菑川懿王子劉奴為侯國。應劭曰。臨朐山名也。故縣氏之朐。亦水名。其城側

川臨朐。是以王莽用表厥稱焉。其城上下。泔水悉是。劉武皇北伐廣固。營壘所在矣。巨洋又東北逕委粟山。東孤阜秀立。形若委粟。又東北洋水注之。水西出石膏山。西北石澗口。東南逕逢山下。祠西洋水。又南東歷逢山下。即石膏山也。麓三成壁立。直上。山上有石鼓。鳴則年凶。郭緣生續述征記曰。逢山在廣固南三十里。有祠并石鼓。齊地將亂。石人輒打石鼓。聞數十里。洋水歷其陰。而東北流。世謂之石溝水。東北流出於委粟山北。而東注于巨洋。謂之石溝口。然是水下流。亦有時通塞。及其春

夏水泛川瀾無輟亦或謂之為龍泉水地理志石  
膏山洋水是出也今於此縣唯是瀆當之似符羣  
證矣巨洋又東北得邳泉口泉源西出平地東流  
注于巨洋巨洋又北會建德水水西發逢山阜而  
東流入巨洋水也

又北過劇縣西

巨洋水又東北合康浪水水發縣西南嶼山無事  
樹木而負峭孤峙巒岈分立左思齊都賦曰嶼嶺  
其左是也康浪水北流注於巨洋巨洋又東北逕  
劇縣故城西古紀國也春秋莊公四年紀侯不能

下齊以與弟季大去其國違齊難也後改曰劇故

魯連子曰胸劇之人辯者也漢文帝十八年別為

菑川國後并北海漢武帝元朔二年封菑川懿王

子劉錯為侯國王莽更之愈縣也城之北側有故

臺臺西有方地晏謨曰西去齊城九十七里耿弇

破張步於臨淄追至巨洋水上舊本作巨味僵尸相屬

即是水也巨洋又東北逕晉龍驤將軍幽州刺史

辟閭渾墓東而東北流渾側有一墳甚高大時人

咸謂之為馬陵謝云一作馬陵而不知誰之丘壟也巨洋

水又東北逕益縣故城東孫云漢志北海郡有益縣王莽更之

滌蕩也。晏謨曰：南去齊城五十里。司馬宣王伐公孫淵，北徙豐人住於此城，遂改名為南豐城也。又東北積而為潭，枝津出焉，謂之百尺溝。西北流，逕北益都城也。漢武帝元朔三年，封菑川懿王子劉胡為侯國，又西北流而注于巨淀矣。謝云：當作注于巨洋。又東北過壽光縣西。

巨洋水自湖東北流，逕縣故城西。王莽之翼平亭也。漢光武建武二年，封更始子鯉為侯國，城之西南水東有孔子石室，故廟堂也。中有孔子像，弟子問經，既無碑誌，未詳所立。巨洋又東北流，堯水注

此出劇也  
又有北海劇縣

之水出劇縣南，有崩山，即故義山也。俗人以其山角，因名為角崩山，亦名為角林山，皆世俗音譌也。水即蕤水矣。地理志曰：劇縣有義山，蕤水所出也。北逕嶼山，東俗亦名之為青水矣。堯水又東北逕東西壽光二城間，應劭曰：壽光縣有灌亭。杜預曰：在縣東南，斟灌國也。又言斟亭在平壽縣東南。平壽故城在白狼水西，今北海郡治。水上承營陵縣之下流，東北逕城東，西入別畫湖，亦曰朕懷湖。湖東西二十里，南北三十里，東北入海。斟亭在漑水東，水出桑犢亭，東覆甌山，亭故高密郡治，世謂之

故郡城山謂之塔山水曰鹿孟水亦曰戾孟水皆非也地理志曰桑犢故亭北海之屬縣矣有覆甌山漑水所出北逕斟亭西北今日狼水按地理志北海有斟縣京相璠曰故斟尋國禹後西北去灌亭九十作九十里恐亦誤耳漑水又北逕寒亭西郡國志曰平壽有疑作斟灌東今按郡國志云北城有薛瓚漢書集注云按汲郡古文相居斟灌東寒亭郡灌是也明帝以封周後改曰衛斟尋在河南非平壽也又云太康居斟尋羿亦居之桀又居之尚書序曰太康失國兄弟五人徙于洛汭此即太康

之居為近洛也余考瓚所據今河南有尋也衛國有觀立國語曰啟有五觀謂之姦子五觀蓋其名也所處之邑其名曰觀皇甫謐曰衛也又云夏相徙南丘依同姓之諸侯于斟灌斟尋氏即汲冢書云相居斟灌也既依斟尋明斟尋非一居矣窮后既仗善射篡相韓浞亦因逢蒙弑羿即其居以生澆因其室而有豷左傳魏莊子曰寒浞殺羿因羿室生澆及豷今作韓浞古寒韓澆因其室而有豷字通故春秋襄公四年魏絳曰澆用師滅斟灌及斟尋氏處澆於過處豷于戈是以伍員言於吳子曰過澆殺斟灌以伐斟尋是也有夏之遺臣曰靡



事羿羿之死也逃于隔氏今隔縣也收斟灌尋二國之餘燼殺韓浞而立少康滅之有窮遂亡也是蓋寓其居而生其稱宅其業而表其邑縱遺文泐禠亭郭有傳未可以彼有灌目謂此專此為宋本云未可以彼有灌目謂專此為非捨此尋名而專彼為是以上推傳應氏之據亦可按矣堯水又東北注巨洋伏琛晏謨並言堯嘗頓駕於此故受名焉非也地理志曰蕤水自劇東北至壽光入海泂其逗孫云疑作逕趣即

是水也  
又東北入于海

巨洋水東北逕望海臺西東北流伏琛晏謨並以為平望亭在平壽縣故城西北八十里古縣又或言秦始皇升以望海因曰望海臺未詳也按史記漢武帝元朔二年封菑川懿王子劉賞為侯國按史記劉賞封平望侯又東北注于海也

淄水出泰山萊蕪縣原山

淄水出縣西南山下世謂之原泉地理志曰原山淄水所出故經有原山之論矣淮南子曰水出自飴山蓋山別名也東北流逕萊蕪谷屈而西北流逕其縣故城南從征記曰城在萊蕪谷當路咀絕

左傳曰辭無山與之萊柞蓋有無之無非山名鄭氏誤也事見昭公七年

兩山間道由南北門漢末有范史雲為萊蕪令言萊蕪在齊非魯所得引舊說云齊靈公滅萊萊民播流此谷邑落荒蕪故曰萊蕪禹貢所謂萊夷也夾谷之會齊侯使萊人以兵劫魯侯宣尼稱夷不亂華是也余按太無萊柞舊本作萊柞誤並山名也郡縣取目焉漢高祖置左傳曰與之無山及萊柞是也應劭十三州記曰太山萊蕪縣魯之萊柞邑淄水又西北轉逕城西又東北流與一水合水出縣東南俗謂之家桑谷水從征記名曰聖水列仙傳曰鹿皮公者淄川人也少為府小吏才巧舉手成器

芝草一本作芝華

岑山上有神象人不能到小吏白府君請木工斧二十人作轉輪造縣閣意思橫生數十日梯道成上其巔作祠屋留止其傍其二間以自固食芝草飲神泉七十餘年淄水來山下呼宗族得六十餘人命上山半水出盡漂一郡沒者萬計小吏辭遣家室令下山著鹿皮衣升閣而去後百餘年下賣藥齊市也據列仙傳所載改正其水西北流注淄水淄水又北出山謂之萊蕪口東北流者也

又東北過臨淄縣東

淄水自山東北流逕牛山西又東逕臨淄縣故城

南東得天齊水口水出南郊山下謂之天齊淵五泉並出南北二百步廣十步山即牛山也左思齊

都賦曰牛嶺鎮其南者也水在齊八祠中齊之為名起於此矣封禪書云秦始皇東游海上禮祠名山大川及八神八神者一曰天主祠

天齊天齊淵水居臨菑南郊山下者二曰地主祠大山梁父三曰兵主祠蚩尤在東平陸監鄉齊之西境也四曰陰主祠三山五曰陽主祠之眾六曰月主祠之萊山七曰日主祠成山八曰四時主祠

環地理風俗記曰齊所以為齊者即天齊淵名也其水北流注於淄水又東逕四豪冢北水南山下

有四冢方基員墳咸高七尺東西直列是田氏四王冢也淄水又東北逕蕩陰里孫按泗水甫吟云西

水東有冢一基三墳東西八十步是烈士公孫據田開疆古冶子之墳也晏子惡其勇而無禮投桃

以斃之死葬陽里即此也晏子春秋曰晏子惡三

醜之二桃曰三子計功而食桃公孫據曰接一搏

而再搏乳虎可以食桃矣田開疆曰吾伏兵而

卻三軍者再亦可以食桃矣古冶子曰吾嘗從君

濟於河電而左驂以入砥柱之流吾潛行逆流百

步順流九里殺電而出可以食桃無與人同矣二

子何不反桃抽劍而起二子皆挈領而死古冶子

亦自挈淄水又北逕其城東城臨淄水故曰臨淄

王莽之齊陵縣也爾雅曰水出其前左為營丘武

王以其地封太公望賜之以四履都營丘為齊或

以為都營陵史記周成王封師尚父于營丘東就

振

國道宿行遲。萊侯與之爭營丘。逆旅之人曰。吾聞時難得而易失。客寢安。殆非就封者也。太公聞之。夜衣而行。至營丘。陵亦丘也。獻公自營丘徙臨淄。余按營陵城南無水。唯城北有一水。世謂之白狼水。西出丹山。俗謂凡山也。東北流山。爾雅出前左之文。不得以為營丘矣。營丘者。山名也。詩所謂子之營兮。遭我乎徂之間兮。漢地理志引齊詩曰。子之營兮。遭我乎嶼之間。近咸言太公所封。考之春秋經書諸侯城緣陵左傳曰。遷杞也。毛詩鄭注。並無營字。瓚以為非近之。

今注云。齊詩也。嶼字亦作徂。亦作嶼。

作者多以丘陵號同。又去萊差。

今臨淄城中有丘。在小城內。周迴三百步。高九丈。北降丈五。淄水出其前。故有營丘之名。與爾雅相符。城對天齊淵。故城有齊城之稱。是以晏子言始爽鳩氏居之。逢伯陵居之。太公居之。又曰。先君太公築營之丘。季札觀風。聞齊音曰。泱泱乎。大風也哉。表東海者。其太公平。回巴入齊。過淄自鏡。回巴田巴新序云。田巴臨淄水而觀形。自知醜惡。郭景純言齊之營丘。淄水深翼居絳。非謂自營陵而之也。其外郭即獻公所徙臨淄城也。世謂之虜城。言齊湣王伐燕。燕王噲

死虜其民寶居因郭以名之當作虜其民寶居郭因以名之秦始皇  
皇三十四年滅齊為郡治臨淄漢高六年封子肥  
於齊為王國王莽更名濟南也戰國策曰田單為  
齊相過淄水有老人涉淄而出不能行坐沙中單  
乃解裘於斯水之上也

原本作巨澱湖

又東過利縣東

淄水自縣東北流逕東安平城北又東逕巨淀縣  
故城南征和四年漢武帝幸東萊臨大海三月耕  
巨淀即此也縣東南則巨淀湖蓋以水受名也淄  
水又東北逕廣饒縣故城南漢武帝元鼎中封菑

巨淀志作  
鉅定  
一本作巨澱  
湖

川靖王子劉國為侯國淄水又東北馬車瀆水注  
之受巨淀克家云當作首受巨淀淀即濁水所注也呂忱曰

濁水一名溷水出廣縣為山世謂之治嶺山東北  
流逕廣固城西城在廣縣西北四里四周絕澗咀  
水深隍晉永嘉中東萊人曹嶷所造也水側山際  
有五龍口義熙五年劉武帝伐慕容超於廣固也  
以藉嶮難攻兵力勞弊河間人玄文說裕云昔趙  
攻曹嶷望氣者以為繩水帶城非可攻拔若塞五  
龍口城當必陷石虎從之嶷請降降後五日大雨  
雷電震開後慕容恪之攻段龕十旬不拔塞城宋本

按九經水  
作澱

作塞而龕降十六國春秋云段蘭之子段龕降後

無幾又震開之舊基猶存宜城修築裕塞之超及

城內男女皆悉腳弱病者大半超遂出奔為晉所

擒也然城之所跨實憑地嶮其不可固城者在此

濁水東北流逕堯山東從征記曰廣固城北三里

有堯山祠堯因巡狩登此山後人遂以名山廟在

山之左麓廟像東面華宇修整帝圖嚴飾軒冕之

容穆然山之上頂舊有上祠今也毀廢無復遺式

盤石上尚有人馬之跡徒黃石而已唯刀劍之蹤

逼真矣至於燕鋒代鏑魏鉞齊銘與今劍莫殊以

密模寫知人功所制矣莊子云天子之劍以燕

為脊周宋為鐔韓魏為夾宋本作齊鏃疑當作齊

鐔以密模寫謂以蠟模搨其迹也樹提伽經云庶

人然脂諸侯然密天子然漆晉書山西望胡公陵

孫暢之所云青州刺史傅弘仁言得銅棺隸書處

濁水又東北流逕東陽城北東北流合長沙水水

出逢山北阜世謂之陽水也東北流逕廣縣故城

西舊青州刺史治亦曰青州城陽水又東北流看

井水注之水出南山頂洞開望若門俗謂是山為

磬當作頭山其水北流注井井際廣城東側三面

積石高深一匹有餘長津激浪瀑布而下澎轟之

洞前  
一作  
若  
馬

音驚川聒谷滿濟之勢狀同洪井北流入陽水余  
 生長東齊極遊其下於中闊絕乃積綿載後因王  
 事復出海岱郭金紫惠同石井賦詩言意彌日嬉  
 娛尤慰羈心但恨此水時有通塞耳陽水東運故  
 七級寺禪房南水北則長廡徧駕舊本作徧駕迥閣承  
 阿林之際則繩坐疏班錫鉢間設所謂修修釋子  
 耿耿禪棲者也陽水又東東行逕陽城東南義熙  
 中晉青州刺史羊穆之築此以在陽水之陽即謂  
 城之東陽城世以濁水為西陽水故也水流亦有  
 時窮通信為靈矣昔在宋世是水絕而復流劉晃

賦通津焉魏太和中此水復竭輒流積年先公除

州即任未基比史鄴範字世則范陽涿鹿人太武

勳賜爵永寧男為征南大將軍慕容容白曜司馬及

定三齊範多進策白曜皆用其謀遂表為青州刺

史進爵為侯是水復通澄映盈川所謂幽谷枯而更溢

窮泉輟而復流矣海岱之士又頌通津焉平昌耆

民舊本作耆民孫道相頌曰唯彼繩泉竭踰三齡祈盡

珪璧竭窮斯牲道從隆替降由聖明耆民舊本作耆民

河間趙焜頌云敷化未基玄澤潛施枯源揚瀾涸

川滌陂北海郭欽曰先政輟津我后通洋但頌廣  
 文煩難以具載陽水又北屈逕漢城陽景王劉章

廟東東注于巨洋後人竭斷令北注濁水時人通謂濁水為陽水故有南陽北陽水之論二水渾流世謂之為長沙水也亦或通名之為繩水故晏謨伏琛為齊記並云東陽城既在繩水之陽宜為繩陽城非也世又謂陽水為洋水余按羣書盛言洋水出臨朐縣而陽水道源廣縣兩縣雖隣川土不同於事疑焉濁水又北逕臧氏臺西又北逕益城西又北流注巨淀地理志曰廣縣為山濁水所出東北至廣饒入巨淀巨淀之右又有女水注之水出東安平縣之蛇頭山從征記曰水西有桓公冢

疑有脫文

甚高大墓方七十餘丈高四丈員墳圍二十餘丈高七丈餘一墓方七丈二墳晏謨曰依陵記非葬禮如承世故與其母同墓而異墳伏琛所未詳也冢東山下女水原有桓公祠侍其衡王字未詳奏魏武王所立曰近日路次齊郊瞻望桓公墳壟在南山之阿請為立祀為塊然之主郭緣生述征記曰齊桓公冢在齊城南二十里因山為墳大冢東有女水或云齊桓公女冢在其上故以名水也女水道川東北流甚有神焉化隆則水生政薄則津竭燕建平六年水忽暴竭玄明惡之寢病而亾燕太上

侍其姓衡也



四年女水又竭慕容超惡之燕祚遂淪女水東北  
 流逕東平安縣故城南續述征記曰女水至安平  
 城南伏流一十五里然後更流注北楊水城故鄒  
 亭也春秋魯莊公三年紀季以鄒入齊公羊傳曰  
 季者何紀侯弟也賢其服罪請鄒以奉五祀公羊傳曰  
 紀季者何紀侯之弟也何以不名賢乎紀季服罪  
 也其服罪奈何魯子曰請後五廟以存姑姊妹  
 田成子單之故邑也史記齊襄王入臨淄封田單為安平君集解云安平城在青州臨淄縣東十九里古紀之鄒邑也後以為縣博陵有平故此加  
 東也世祖建武七年封菑川王子劉茂為侯國又  
 逕安平城東東北逕壟山東東北入淀地理志曰

通鑑注  
 引此無  
 南字

菟頭山女水所出東北至臨淄入巨淀又北為馬  
 車瀆北合淄水又北時繩之水注之時水出齊城  
 西南北二十五里平地出泉即如水也孫云如水當作而水  
 亦謂之源水因水色黑俗又目之為黑水西北逕  
 黃山東又北歷愚山山東有愚公冢時水又屈而  
 逕杜山北有愚公谷齊桓公時公隱於谿隣有認  
 其駒者公以與之山即杜山之通阜以其人狀愚  
 故謂之愚公韓非子曰齊桓公入山問父老此為何山谷答曰臣舊畜牛生犢以子買駒  
 少年謂牛不生駒遂持而去故山水有石梁亦謂  
 傍隣謂臣愚遂名為愚公谷  
 為石梁水又有瀆水注之水出時水東去臨淄城

四年女水又竭慕容超惡之燕祚遂淪女水東北

流逕東平安縣故城南續述征記曰女水至安平

城南伏流一十五里然後更流注北楊水城故鄆

亭也春秋魯莊公三年紀季以鄆入齊公羊傳曰

季者何紀侯弟也賢其服罪請鄆以奉五祀公羊傳曰

紀季者何紀侯之弟也何以不名賢乎紀季服罪

也其服罪奈何魯子曰請後五廟以存姑姊妹

田成子單之故邑也史記齊襄王入臨淄封田單為安平君集解云安平城在

青州臨淄縣東十九里後以為縣博陵有平故此加

東也世祖建武七年封菑川王子劉茂為侯國又

逕安平城東東北逕龍山東北入淀地理志曰

車瀆北合留水又北寺通

亦謂之源水因水色黑俗又目之為黑水西北逕

黃山東又北歷愚山山東有愚公冢時水又屈而

逕杜山北有愚公谷齊桓公時公隱於谿隣有認

其駒者公以與之山即杜山之通阜以其人狀愚

故謂之愚公韓非子曰齊桓公入山問父老此為

少年謂牛不生駒遂持而去故山水有石梁亦謂

傍隣謂臣愚遂名為愚公谷

為石梁水又有澆水注之水出時水東去臨淄城

南字

廿一

十八里所謂澆中也俗以澆水為宿留水西北入

于時水孟子去齊三宿而後出澆故世以此而變

水名也水南山西有王歎墓史記王蠋齊之畫邑人也昔樂毅

伐齊賢而封之歎不受自縊而死水側有田引水

溉跡尚存時水又西北逕西安縣故城南本渠也

齊大夫雖稟之邑矣左傳云初公孫無知雷于雍廩九年春齊人殺無知杜預

云雍廩齊大夫王莽更之曰東寧時水又西至石洋堰分

為二水謂之石洋口枝津西北至梁鄒入洑時水

又北逕西安城西又北京水系水注之水出齊城

西南世謂寒泉也東北流直申門西京相璠杜預

並言申門即齊城南面西第一門矣為申池昔齊

懿公遊申池邴戎庸職二人害公於竹中左傳作邴敬閭

職二人害齊懿公于竹中今池無復髮鬣然水側尚有小竹

木以時遺生也左思齊都賦注申池在海濱齊藪

也余按春秋襄公十八年晉伐齊戊戌伐雖門之

藪己亥焚雍門壬寅焚東北二郭甲辰東侵及沂

而不言北掠于海且晉獻子尚不辭死以逞志何

容對仇敵而不徵暴草木于海嶠乎左傳襄十八年齊侯伐我

北鄙中行獻子將伐齊夢與厲公訟弗勝公以戈擊之首隊于前他日問梗陽之巫對曰今茲主必

死若有事於東方則可以逞及伐齊禱于河曰苟捷有功官臣偃無敢復濟十二月己亥焚雍門及

西郭南郭劉難士弱率諸 又炎夏火流非遠遊之

辰懿公見弑蓋是白龍魚遜見困近郊矣張衡東

白龍魚服見困豫且注引說苑伍子胥曰昔白龍

下清冷之淵化為魚豫且射中其目此遜字當作

服左氏捨近遺遠考古非議杜預泛言有推據耳

系水傍城北流逕陽門西水次有故封處所謂齊

之稷下也當戰國之時以齊宣王喜文學遊說之

士鄒衍淳于髡田駢接子慎到之徒七十六人皆

賜列第為上大夫不治而論議是以齊稷下學士

復盛且數百十人劉向別錄以稷為齊城門各也

談說之士期會於稷門下故曰稷下也鄭志曰

按贊上當有書字

問贊云我先師棘下生何時人鄭玄答云齊國

氏時善學者所會處也齊人號之棘下生無常人

也余按左傳昭公二十二年莒子如齊盟于稷門

之外漢以叔孫通為博士號稷嗣君史記音義曰

欲以繼蹤齊稷下之風矣然棘下又是齊城內地

名左傳定公八年陽虎劫公伐孟氏入自上東門

戰于南門之內又戰于棘下者也蓋亦儒者之所

萃焉故張逸疑而發問鄭玄釋而辯之雖異名于

見大歸一也城內有故臺有營丘有故景王祠即

朱虛侯章廟矣晉起居注云齊有大蛇長三百步

聖主卷 卷二十六 三十一 化

西郭南郭劉難士弱率諸侯之師焚申池之竹木又炎夏火流非遠遊之

辰懿公見弑蓋是白龍魚遯見困近郊矣張衡東

白龍魚服見困豫且注引說苑伍子胥曰昔白龍下清冷之淵化為魚豫且射中其目此遯字當作

服左氏捨近遺遠考古非議杜預泛言有推據耳

系水傍城北流逕陽門西水次有故封處所謂齊

之稷下也當戰國之時以齊宣王喜文學遊說之

士鄒衍淳于髡田駢接子慎到之徒七十六人皆

賜列第為上大夫不治而論議是以齊稷下學士

復盛且數百十人劉向別錄以稷為齊城門名也

談說之士期會於稷門下故曰稷下也鄭志曰

按贊上當有書字

問贊云我先師棘下生何時人鄭玄答云齊田氏時善學者所會處也齊人號之棘下生無常人

張衡至作服注一條何本引唯化為魚三字耳疑是脫

欲以繼蹤齊稷下之風矣然棘下又是齊城內地

名左傳定公八年陽虎劫公伐孟氏入自上東門

戰于南門之內又戰于棘下者也蓋亦儒者之所

萃焉故張逸疑而發問鄭玄釋而辯之雖異名于

見大歸一也城內有故臺有營丘有故景王祠即

朱虛侯章廟矣晉起居注云齊有大蛇長三百步

闕

負小甃長百餘步逕於市中市人悉觀自北門所  
 入處也北門外東北二百步有齊相晏嬰冢宅左  
 傳晏子之宅近市景公欲易之而嬰弗更為誡曰  
 吾生則近市死豈易志乃葬故宅後人名之曰清  
 節里系水又北逕臨淄城西門北而西流逕梧宮  
 南昔楚使聘齊齊王饗之梧宮卽是宮矣其地猶  
 名梧臺里臺甚層秀東西一百餘步南北如減卽  
 古梧宮之臺臺東卽闕子所謂宋愚人得燕石處  
 闕子曰宋之愚人得燕石於梧臺之東歸而藏之  
 以為寶周客聞而觀主人齋戒七日端冕以發華  
 櫃十重緹巾十襲客見之掩口臺西有石柱碑作  
 笑曰此特燕石耳與瓦甃不殊

疑有脫文

在柱碑猶在漢靈帝熹平五年立其題云梧臺里  
 系水又西逕葵丘北春秋莊公八年襄公使連稱  
 管至父戍葵丘京相璠曰齊西五十里有葵丘地  
 若是無戍之僖公九年齊桓會諸侯于葵丘宰孔  
 曰齊侯不務修德而勤遠略葵丘不在齊也引胡  
 廣汾陰葵丘山陽西北葵城宜在此非也余原左  
 傳連稱管至父之戍葵丘以瓜時而往還之期請  
 代弗許將為齊亂故令無寵之妹候公於宮因無  
 知之紕當作遂害襄公若出遠無代寧得謀及婦  
 人而為公室之亂乎是以杜預稽春秋之旨卽傳

負小蛇長百餘步逕於市中市人悉觀自北門所  
入處也北門外東北二百步有齊相晏嬰冢宅左  
傳晏子之宅近市景公欲易之而嬰弗更為誡曰

若是無成之句下何本有双口注下疑有脫四字旁有碑字不知所本

自是無成之句下何本有双口注下疑有脫四字旁有碑字不知所本

南昔楚使聘齊齊王饗之是宮矣其地猶

名梧臺里臺甚層秀步南比如減即

古梧宮之臺臺東即闕子所謂宋愚人得燕石處

闕

闕子曰宋之愚人得燕石於梧臺之東歸而藏之  
以為寶周客聞而觀主人齋戒七日端冕以發華  
櫃十重緹巾十襲客見之掩口笑曰此特燕石耳與瓦礫不殊

社字從

疑有脫文

碑猶在漢靈帝熹平五年立其題云梧臺里

系水又西逕葵丘北春秋莊公八年襄公使連稱

管至父戍葵丘京相璠曰齊西五十里有葵丘地

若是無成之僖公九年齊桓會諸侯于葵丘宰孔

曰齊侯不務修德而勤遠略葵丘不在齊也引胡

廣汾陰葵丘山陽西北葵城宜在此非也余原左

傳連稱管至父之戍葵丘以瓜時而往還之期請

代弗許將為齊亂故令無寵之妹候公於宮因無

知之紂當作遂害襄公若出遠無代寧得謀及婦

人而為公室之亂乎是以杜預稽春秋之旨即傳

安之注于臨淄西不得捨近託遠苟成已異於異

可殊即義為負然則葵丘之戍即此地也傳齊桓

公葵丘之會宰孔曰齊侯不務修德而勤遠略故

北伐山戎南伐楚西為此會也且天子使孔賜桓

公以文武之旂知與王都近矣故胡廣有山陽西

北葵城之說而杜預說連解管至父葵丘之戍云

在臨淄縣西有地名葵丘時水西左迤為潭又西

酈疑胡廣傳會故發此論逕高陽僑郡南魏所立也又西北流注于時時水

又東北流繩水注之水出營城東世謂之漢漆水

也西北流逕營城北漢景帝四年封齊悼惠王子

劉信都為侯國繩水又西逕樂安南博昌縣故城

南應劭曰昌水出東萊昌陽縣道遠不至取其音

名闕駟曰縣處勢平故曰博昌繩水西歷貝丘京

相璠曰博昌縣南近繩水有地名貝丘在齊西北

四十里春秋莊公八年齊侯田于貝丘見公子彭

生豕立而泣齊侯墜車傷足於是處也繩水又西

北入時水從征記又曰水出臨淄縣北逕樂安博

昌南界西入時水者也自下通謂之為繩也昔晉

侯與齊侯宴齊侯曰有酒如繩指喻此水也時水

又屈而東北逕博昌城北時水又東北逕齊利縣

故城北又東北逕巨淀縣故城北又東北逕廣饒

縣故城北東北入淄水地理風俗志曰淄入濡淮

古通讀為繩與陵協

繩當作通



南子曰白公問微言曰若以水投水如何孔子曰  
淄繩之水合易牙嘗而知之謂斯水矣淮南所引

語出列子說符篇及呂氏春秋審應覽俱作淄繩  
音繩乘列子曰口將爽者先辨淄繩張湛注云淄  
水出魯郡萊蕪縣澠水西自北海郡  
千乘縣界流至壽光縣二水相合

又東北入于海

淄水入馬車瀆亂流東北逕琅槐故城南又東北  
逕馬井城北與時繩之水互受通稱故邑流其號  
又東北至皮丘流入于海故晏謨伏琛並言淄繩  
之水合於皮丘沈西地理志曰馬車瀆至琅槐入  
于海也蓋舉縣言也

汶水出朱虛縣泰山

山上有長城西接岱山東連琅邪巨海千有餘里  
蓋田氏之所造也竹書紀年梁惠成王二十年齊  
築防以為長城竹書又云晉烈公十二年王命韓  
景子趙烈侯及我師伐齊入長城據竹書紀年校正史記  
所謂齊威王越趙侵伐我長城者也伏琛晏謨並  
言水出縣東南嵒山山在小泰山東者也

北過其縣東

汶水自縣東北逕嵒城北地理風俗記曰朱虛縣  
東四十里有嵒亭城故縣也又東北逕管寧冢東

亭一作嵒城

嵩字實碩

故晏謨言柴阜西南有魏獨行君子管寧墓墓前有碑又東北逕柴阜山北山之東有徵士邴原冢碑誌存焉汶水又東北逕漢青州刺史孫嵩墓西有碑碣汶水又東逕安丘縣故城北漢高帝八年封將軍張說為侯國地理志曰王莽之誅邳也孟康曰今渠丘亭莒渠丘城是也伏琛晏謨齊記並言亭在丘城東北十里非城也城對牟山山之西南有孫賓碩兄弟墓碑誌並在也

又北過淳于縣西又東北入于縣

故夏后氏之斟灌國也周武王以封淳于公號曰

淳于國春秋桓公六年冬州公如曹傳曰淳于公

如曹度其國危遂不復也其城東北則兩川交會

也春秋桓公五年冬州公如曹六年春正月寔來傳曰自曹來朝書曰寔來不復其國也杜預注

云淳于州國所都城陽淳于縣也

濰水出琅邪箕縣

琅邪山名也越王句踐之故國也句踐并吳欲霸

中國徙都瑯邪秦始皇二十六年滅齊以為郡城

即秦王之所築也遂登琅邪大樂之山作層臺於

其上謂琅邪臺臺在城東南十里孤立特顯出于

眾山上下周二十里餘傍濱巨海秦王樂之因留

三月乃徙黔首二萬戶於琅邪山下。復十二年所  
 作臺基三層，層高三丈，上級平敞，方二百餘步，高  
 五里，刊石立碑，紀秦功德。臺上有神淵，淵主靈焉。  
 人汗之則竭，齋潔則通。神廟在齊八祠中。漢武帝  
 亦嘗登之。漢高帝呂后七年，以為王國。文帝三年，  
 更名為郡。王莽改曰填夷矣。濰水導源濰山。許慎  
 呂忱云：濰水出箕屋山。淮南子曰：濰水出覆舟山。  
 蓋廣異名也。東北逕箕縣故城西，又西析泉水注  
 之。水出析泉縣北松山，東南流析泉縣東，又東南  
 逕仲固山，東北流入于濰。地理志曰：至箕縣北入

濰者也。濰水又東北逕諸縣故城西。春秋文公十  
 二年，季孫行父城諸及鄆，傳曰：城其下邑也。王莽  
 更名諸拜矣。濰水又東北涓水注之，出馬耳山，山  
 高百丈，上有二石並舉，望齊馬耳，故世取名焉。東  
 去常山三十里。涓水發于其陰，北逕婁鄉城東。春  
 秋昭公五年，經書夏莒牟夷以牟婁防茲來奔者  
 也。又分諸縣之東為海曲縣，故俗人謂此城為東  
 諸城。涓水又北注于濰水。

東北過東武城縣西

孫云當作東武縣按  
史記郭蒙封東武侯

縣因岡為城，城周三十里。漢高帝六年封郭蒙為

侯國舊作郭嘉考之史記漢書年表俱作郭蒙王莽更名之曰祥善矣

又北左合扶淇之水水出西南常山東北流注濰

晏謨並以濰水為扶淇之水以扶淇之水為濰水

非也按經脉誌濰自箕縣北逕東武縣西北流合

扶淇之水晏謨伏琛云東武城西比二里濰水者

即扶淇之水也濰水又北右合盧水即久台水也

地理志曰水出琅邪橫縣故山王莽之合丘也山

在東武縣故城東南世謂之盧山也西北流逕昌

縣故城西東北流齊地記曰東武城東南有盧水

水側有勝火木方俗音曰檉子其木經野火燒死

炭不滅故東方朔云不灰之木者也東方朔神異經云南荒外

有火山其中生不燼之木晝夜火燃不滅火中有鼠重千斤毛長二尺如絲而白水沃即死可績為布

其水又東北流逕東武縣故城東而西北入濰

地理志曰久台水出東南逕東武入濰者也尚書

所謂濰淄其道矣

東方朔神異經云南荒外

又北過平昌縣東

濰水又北逕石泉縣故城西王莽之養信也地理

風俗記曰平昌縣東南四十里有石泉亭故縣也

濰水又北逕平昌縣故城東荆水注之水出縣南

荆山阜東北流逕平昌縣故城東漢文帝封齊悼

原柘同

惠王肥子永為侯國。孫云按史記齊悼惠王子劉甲封平昌侯城之東南角有臺。臺下有井。與荆水通。物墜於井。則取之。荆水昔常有龍。出入于其中。故世亦謂之龍臺城也。荆水又東北流。注于濰水。又北。浯水注之。水出浯山。世謂之巨平山也。地理志曰。靈門縣有高原山。與浯一山。按漢地理志云。靈門縣有高原山。浯山。浯水所出。注云。原。古柘字。水所出。東北入濰。今是山西接浯山。許慎說文言。水出靈門山。世謂之浯汶矣。其水東北逕姑幕縣。故城東縣有五色土。王者封建諸侯。隨方受之。故薄姑氏之國也。闕駟曰。周成王時。薄姑與四國作

亂。周公滅之。以封太公。是以地理志曰。或言薄姑也。王莽曰。季睦矣。應劭曰。左傳曰。薄姑氏國。太公封焉。薛瓚漢書注云。博昌有薄姑城。未知孰是。浯水又東北逕平昌縣。故城北。古竭。此水以溢漑田。南注荆水。浯水又東北流。而注于濰水也。

又北過高密縣西

應劭曰。縣有密水。故有高密之名也。然今世所謂百尺水者。蓋密水也。水有二源。西源出奕山。亦曰鄆日山。晏謨曰。山狀鄆日。是有此名。伏琛曰。山上鄆日。故名鄆日山也。其水東北流。東源出五弩山。

西北流同瀉一壑俗謂之百尺水古人竭以溉田數十頃北流逕高密縣西下注濰水自下亦兼通稱焉亂流歷縣西碑產山西又東北水有故堰舊鑿石豎柱斷濰水廣六十許步掘東岍激通長渠東北逕高密故城南明帝永平中封鄧震為侯國後漢書鄧禹封高密侯永平元年卒帝分禹封為三國長子震為高密侯襲為昌安侯珍為夷安侯縣南十里蓄以為塘方二十餘里古所謂高密之南都也溉田一項許陂水散流下注夷安澤濰水自堰北逕高密縣故城西漢文帝十六年別為膠西國宣帝平始元年更為高密國王莽之章牟也

濰水又北昔韓信與楚將龍且夾濰水而陣於此信夜令為萬餘囊盛沙以遏濰水引軍擊且偽退且追北信決水水大至且軍半不得渡遂斬龍且於是水水西有鴈阜阜上有漢司農卿鄭康成冢石碑猶存又北逕昌安縣故城東漢明帝永平中封鄧襲為侯國也郡國志曰漢安帝延光元年復也

又北過淳于縣東

濰水又北左會汶水北逕平城亭西又東北逕密鄉亭西郡國志曰淳于縣有密鄉地理志皆北海

之屬縣也。應劭曰：淳于縣東北六十里有平城亭。又四十里有密鄉亭，故縣也。濰水又東北逕下密縣故城西，城東有密阜。地理志曰：有三石山祠，余按應劭密者水各是有下密之稱，俗以之名阜，非也。

逢萌至民傳第一卷何本引

又東北逕都昌縣東

濰水東北逕逢萌墓，萌縣人也。少有大節，恥給事縣亭，遂浮海至遼東，復還在不其山，隱學。明帝安車徵萌，以佯狂免。逢萌事具後漢書又北逕都昌縣故城東，漢高帝六年封侯國，北海相孔融為

黃巾賊管亥所圍於都昌也。太史慈為融求救，劉

備持的突圍其處也。

吳志云：北海相孔融數遣人訊問大史慈之母，并致餉遺。

後融出屯都昌，為黃巾賊管亥所圍，慈自遼東還家，母令慈往赴其難。時賊圍甚密，慈請于融，帶鞍擣弓上馬，將兩騎自隨，各作一的，持之開門直出外圍，下馬植的射之，徑入閉門，明晨復如此射的，賊或起或卧，又明晨出射，無復起者。慈乃鞭馬直突圍，馳詣劉備于平原，得救，兵來賊遂解去。

又東北入于海

膠水出黔陬縣，膠山北過其縣西

齊記曰：膠水出五弩山，蓋膠山之殊名也。北逕祝

茲縣故城東，漢武帝元鼎中封膠東康王子延為

侯國，又逕扶縣故城西。地理志：琅邪之屬縣也。漢

文帝元年封呂平為侯國

漢志琅邪却縣膠水膠所出呂平封扶柳侯

水又北逕黔陬故城西袁崧郡國志曰縣有介亭

地理志曰故介國也春秋僖公九年介葛盧來朝

聞牛鳴曰是生三犧皆用之問之果然晏謨伏琛

並云縣有東西二城相去四十里有膠水非也斯

乃拒艾水也水出縣西南拒艾山即齊記所謂黔

艾山也東北流逕拒縣故城西王莽之秩國也

宋本作秩世謂之王城又謂是水為洋洋水矣又東北

逕晏伏所謂黔陬城西四十里有膠水者也又東

入海地理志曰琅邪有推縣拒艾水出焉

宋本作淮

按前漢地理志云琅邪有拒縣注東入海即斯水

也今膠水北逕晏伏所謂西黔陬城東高密郡側

有黔陬縣地理志曰膠水出却縣

却今地志作却音夫又音扶

王莽更之純德矣疑即是縣所未詳也

又北過夷安縣東

縣王莽更名之曰原亭也應劭曰故萊夷邑也太

史公曰晏平仲萊之夷維之人也漢明帝永平中

封鄧珍為侯國西去濰水四十里膠水又北逕膠

陽東晏伏並謂之東亭自亭結路南通夷安地理

風俗記曰淳于縣東南五十里有膠陽亭故縣也



又東北逕左會一水世謂之張奴水水發夷安縣東南阜下西北流歷膠陽縣注于膠水之左東北為澤水渚百許里謂之夷安潭潭之澤周四十里亦濰水枝津之所注也膠水又東北逕下密縣故城東又東北逕膠東縣故城西漢高帝元年別為國景帝封子寄為王國王莽更之郁秩也今長廣郡治伏琛晏謨言膠水東北迴達于膠東城北百里流注于海

又北過當利縣西北入于海

縣故王莽更之東萊亭也又北逕平度縣漢武帝

元朔二年封菑川懿王子劉衍為侯國王莽更名

之曰利盧也縣有土山膠水北歷土山注于海海

南土山以北悉鹽坑坑玉篇作鹺音亢云鹽澤也

豆子鹺討賊謗寫相承修煮不輟北眺巨海杳冥

無極天際兩分白黑方別所謂之溟海者也故地

理志曰膠水北至平度入海者也

九月初五日夜閱

野志曰鄠水北至平夷入鞏者少

無蘇天剝兩台白黑大與而臨之或稱赤也或

南土山以其悉鹽也

文曰涿盡也涿亦土山鄠水北壑土山生于涿城

去城二里挂蒲川靖土子涿城為封國王莽更李

注箋卷第二十七

漢 桑 欽撰

後魏 酈道元 注

明 李長庚訂

孫汝澄

朱謀埠箋

李克家全校

沔水上

沔水出武都沮縣東狼谷中

沔水一名沮水闕駟曰以其初出沮洳然故曰沮

水也縣亦受名焉導源南流泉街水注之出河池

縣東南流入沮縣會于沔

沔水又東南逕沮水戍而東南流注漢曰沮口

所謂沔漢者也尚書曰嶓冢導漾東流為漢山海經所謂漢出鮒嶠山也

孫按山海經曰漢水出鮒嶠山帝顓頊葬于陽九

東北流得獻水口庾仲雍云是水南至關城

合西漢水漢水又東北合沮口同為漢水之源也

故如淳曰北方人謂漢水為沔水故孔安國曰漾

水東流為沔蓋與沔合也至漢中為漢水是互相

通稱矣

沔水又東逕白馬戍南瀼水入焉

水北發武都氏中南逕張魯城東魯沛國張陵孫

陵學道於蜀鶴鳴山傳業衡衡傳於魯魯至行寬

惠百姓親附供道之費米限五斗故世號五斗

道初平中劉焉以魯為督義司馬往漢中斷絕谷

道當作閣道用遠城治因即嶠嶺周廻五里東臨瀼谷

杳然百尋西北二面連峰接崖莫究其極從南為

盤道登陟二里有餘瀼水又南逕張魯治東水西

山上有張天師堂于今民事之庾仲雍謂山為白

馬塞堂為張魯治東對白馬城一名陽平關瀼水

南流入沔謂之瀼口其城西帶瀼水南面沔川城

側二水之交故亦曰瀼口城矣

沔水又東逕武侯壘南

張陵孫  
陵一作  
作張陵  
孫魯

天師之名  
本於張魯  
明甚

諸葛武侯所居也。南枕沔水，水南有亮壘，背山向水，中有小城，迴隔難解。

沔水又東，逕沔陽故城南。原本此十字是注文，謝云據宋本作經文，今從之。

城舊漢祖在漢中，言蕭何所築也。漢建安二十四

年，劉備拜劉璋北定漢中，始立壇，即漢王位于此

城。其城南臨漢水，北帶通達，南面崩水三分之一

觀其遺畧，厥狀時傳。南對定軍山，曹公南征漢中

張魯降，乃命夏侯淵等守之。劉備自陽平關南渡

沔水，遂斬淵首，保有漢中。諸葛亮之死也。遺令葬

于其山，因即地勢，不起墳壟，唯深松茂柏，攢蔚川

阜。吳知墓營所在，山東名高平，是亮宿營處。亮死

亮薨，百姓野祭，步兵校尉習隆中書郎向充其

表云：臣聞周人思邵伯之德，肆棠為之不伐。越人

懷范蠡之功，鑄金以存其像。舊本作越人，今按襄陽記載習隆向充表

云越王思范蠡之功，鑄金以存其像。亮德軌遐邇，勳蓋來世。王室之

不壞，實賴斯人。而使百姓巷祭，戎夷野祀，非所以

存德念功，追述在昔者也。今若盡順民心，則黷而

無典，建之京師，又逼宗廟，此聖懷所以惟疑也。臣

謂宜近其墓，立之沔陽，斷其私祀，以崇正禮。始聽

立祀，斯廟蓋所啓置也。鍾士季征蜀，耗駕設祠，營

東卽八陣圖也遺基略在崩禡難識

沔水又東逕西樂城北

在山上周三十里甚嶮固城側有谷謂之容裘谷

道通益州山多羣獠諸葛亮築以防違宋本作梁防遏

州刺史楊亮以卽嶮之固保而居之爲苻堅所敗

後刺史姜守潘猛亦相仍此城城東容裘谿注之

俗謂之洛水也水南導宋本作導巴嶺山東北流水左

有故城憑山卽嶮四面阻絕昔先主遣黃忠據之

以拒曹公谿水又北逕西樂城東而北流注于滄

漢水又左得度口水

鱧似花而大

山陽平北山水有二源一曰清檢出佳鱧二曰濁

檢出好鱧常以二月八月取之美珍常味爾雅云

鱧小者鮓郭注云鱧似鮓而大白色音畫華陽國志

鱧字作鱧或是蜀語或寫誤耳廣雅云鮓一名鱧也度水南逕陽平縣故城東又南逕沔陽縣

故城東而南流注于漢水又東右會溫泉水口水

發山北平地方數十步泉源沸湧冬夏湯湯望之

則白氣浩然言能瘥百病云洗浴者皆有硫黃氣

赴集者常有百數池水通注漢水

漢水又東黃沙水左注之

水北出遠山山谷遂嶮人跡罕交谿曰五文谿水

側有黃沙屯諸葛亮所開也其水南注漢水南有  
 女郎山山上有女郎冢遠望山墳鬼鬼狀高及即  
 其所裁有墳形山上直路下出不生草木世人謂  
 之女郎道下有女郎廟及擣衣石言張魯女也有  
 小水北流入漢謂之女郎水  
 漢水又東合褒水

水西北出衙嶺山東南逕大石門歷故棧道下谷  
 俗謂千梁無柱也諸葛亮與兄瑾書云前趙子龍  
 退軍燒壞赤崖以北閣道緣谷一百餘里其閣梁  
 一頭入山腹其一頭立柱於水中今水大而急不

得安柱此其窮極不可強也又云頃大水暴出赤  
 崖以南橋閣悉壞時趙子龍與鄧伯苗一戍赤崖  
 屯田一戍赤崖口但得緣崖與伯苗相聞而已後  
 諸葛亮死于五丈原魏延先退而焚之謂是道也  
 自後案舊修路者悉無復水中柱逕涉者浮梁振  
 動無不搖心眩目也褒水又東南逕三交城城在  
 三水之會故也一水北出長安一水西北出仇池  
 一水東北出太白山是城之所以取名矣褒水又  
 東南得丙水口水上承丙穴穴出嘉魚常以三月  
 出十月入地穴口廣五六尺去平地七八尺泉懸

狀疑

注魚自穴下透入水穴口向丙故曰丙穴下注褒水故左思稱嘉魚出於丙穴良木攢於褒谷矣褒水又東南歷小石門門穿山通道六丈有餘刻石言漢明帝永平中司隸校尉犍為楊厥之所開逮靈帝建和二年漢太中大夫同郡王升嘉厥開鑿之功琢石頌德以為石牛道來攻本蜀論云來攻字誤當作來敏蜀志云來敏字敬達義陽新野人涉獵書籍善左氏春秋尤精舍雅訓詁為太子家令累遷光祿大夫秦惠王欲伐蜀而不知道作五石牛以金置尾下言能屎金蜀王負力令五丁引之成道秦使張儀司馬錯尋路滅蜀因曰石牛道厥蓋因而

疑有此文

廣之矣蜀都賦曰岨以石門其斯之謂也門在褒中之西褒中之北褒水又東南歷褒口即褒谷之南口也北口曰斜所謂北出褒褒水又南逕褒縣故城東褒中縣也本褒國矣漢昭帝元鳳六年置褒水又南流入于漢漢水又東逕萬石城下城在高原上原高十餘丈四面臨平形若覆瓮水南過水為岨西北並帶漢水其城宿是流雜聚居故世亦謂之流襍城

漢水又東逕漢廟堆下

昔漢女所遊側水為釣臺後人立廟於臺上世人

觀其頽基崇廣因謂之漢廟堆傳呼乖實又名之  
爲漢武堆非也

又東過南鄭縣南

縣故褒之附庸也周顯王之世蜀有褒漢之地至  
六國楚人兼之懷王衰弱秦略取焉周赧王二年  
秦惠王置漢中郡因水名也者舊傳云南鄭之號  
始於鄭桓公桓公死於犬戎其民南奔故以南爲  
稱卽漢中郡治也漢高祖入秦項羽封爲漢王蕭  
何曰天漢美名也遂都南鄭大城周四十二里城  
內有小城南憑北結環雉金墉漆井皆漢所修築

地沃川嶮魏武方之雞肋曰釋騏驎而不乘焉皇  
皇而更求遂留杜子緒鎮南鄭而還晉咸康中梁  
州刺史司馬勲斷小城東面三分之一以爲梁州  
漢中郡南鄭縣治也自齊宋魏咸相仍焉水南卽  
漢陰城也相承言呂后所居也有廉水出巴嶺山  
北流逕廉川故水得其名廉水又北注漢水漢水  
右合池水水出旱山山下有祠列石十二不辨其  
由蓋社主之流百姓四時祈禱焉俗謂之獠子水  
夾漈諸田散流左注漢水

漢水又東得長柳渡



長柳村名也。漢太尉李固墓碑銘尚存。文字剝落不可復識。漢水又東逕胡城南。義熙十五年城上有密雲細雨。五色昭章。人相與謂之慶雲。休符當出。曉乃雲霽。當作曉而雲霽及角城崩。舊本作乃覺城崩吳本改作及角半許淪水。出銅鍾十二枚。刺史索邈奉送洛陽歸之。宋府南對扁鵲城。當是越人舊所逕涉。故邑流其名耳。漢水出于二城之間。右會磐余水。水出南山巴嶺上。泉流兩分。飛清派注南入蜀水。北注漢津。謂之磐余口。庾仲雖曰磐余去胡城二十里。漢水又左會文水。

水即門水也。出胡城北山石穴中。長老云杜陽有仙人宮。石穴宮之前門。故號其川為門川。水為門水。東南流逕胡城北。三城奇對。隔谷羅布。深溝固壘。高臺相距。門水右注漢水。謂之高橋谿口。漢水又東。黑水注之。

水出北山。南流入漢。庾仲雖曰黑水去高橋三十里。諸葛亮牋云。朝發南鄭。暮宿黑水。四五十里。指謂是水也。道則百里也。

又東過城固縣南。又東過魏興安陽縣南。泔水出自旱山北。注之。

常璩華陽國記曰蜀以城固為樂城縣也安陽縣故隸漢中魏分漢中立魏與郡安陽隸焉泔水出

西南而東北入漢左谷水出漢北即智水也宋本谷水出漢北即智水也而東

北入漢宋本谷水出漢北即智水也也此智水智鄉即音水音鄉也後世傳寫誤作智字北發聽山山下有穴水

穴水東南流歷平川中謂之智鄉水曰智水川有

唐公祠唐君字公房城固人也學道得仙入雲臺

山合丹服之白日升天雞鳴天上狗吠雲中唯以

鼠惡留之鼠乃感激以丹晦日吐腸胃更生故時

人謂之唐鼠也公房升仙之日城之行未還不獲

也

諱釋引此作音水川蓋其諱不實然以下文故水亦即名焉句觀之為解不疑

同階雲路約以此川為居言無繁霜蛟虎之患其俗以為脫一因號為壻鄉故水亦即名焉百姓為之立廟於其處也刊石立碑表述靈異也壻水南

歷壻鄉谿出山東南流逕通關勢南山高百餘丈

上有匈奴城舊本作為上有匈奴城吳改作匈奴城未有所因壻疑當作上有丘如城

方五里濬塹三重高祖北定三秦蕭何守漢中欲

修北道通關中故名為通關勢壻水又東逕七女

冢冢夾水羅布如七星高十餘丈周迴數畝元嘉

六年大水破墳墳崩出銅不可稱計得一磚刻云

項氏伯無子七女造塲世人疑是項伯冢水北有

項伯封財陽侯冢安澤在此

也字以意去

項伯封財陽侯冢安澤在此

水經注

卷二十七

吉

七女池池東有明月池狀如偃月皆相通注謂之  
 張良渠蓋良所開也壻水逕樊噲臺南臺高五六  
 丈上容百許人又東南逕大城固北城乘高勢北  
 臨壻水水北有韓信臺高十餘丈上容百許人相  
 傳高祖齋七日置壇設九賓禮以禮拜信也壻水  
 東迴南轉又逕其城東而南入漢水謂之三水口  
 也漢水又東會益口水出北山益谷東南流注于  
 漢水

漢水又東至瀼城南與洛谷水合  
 水北出洛谷谷北通長安其水南流右則瀼水注

之水發西經東南流合為一水亂流南出際其城  
 西南注漢水

漢水又東逕小城固南

州治大城固移縣北故曰小城固城北百二十里  
 有興勢坂諸葛亮出洛谷成興勢置烽火樓處通  
 輿孫云當漢水東歷上濤而逕於龍下蓋伏石驚  
 湍流屯激怒故有上下二濤之名龍下地名也有  
 丘郭墳墟舊謂此館為龍下亭自白馬迄此則平  
 川夾勢水豐壤沃利方三蜀矣度此溯洄從漢為  
 山行之始

漢水又東逕石門灘

山峽也東會酉水水北出秦嶺西谷南歷重山與

寒泉合水東出寒泉湧山頂望之交橫似若瀑布

頽波激石散若雨灑勢同厭源風雨之池雷次宗豫章記

云厭原山西北有洪井井北五六里有風雨池山高瀕激霏散遠灑若雨其水西流入

于酉水酉水又南注漢謂之酉水

漢水又東逕媯虛為灘

世本曰舜居媯汭在漢中西城縣或言媯墟在西

北舜所居也或作媯墟故舜所居也後或姓姚或

姓媯媯姚之異事妄未不知所從余按應劭之言是

地於西城為西北也

漢水又東逕猴經灘舊本作猴徑灘徑與

山多猴猿好乘危綴飲故灘受斯名焉

漢水又東逕小大黃金南

山有黃金峭水北對黃金谷有黃金戍傍山依峭

嶮折七里氏掠漢中咀與阻同此為戍與鐵城相對

一城在山上容百餘人一城在山下可置百許人

言其嶮峻故以金鐵制名矣昔楊難當令魏興太

守薛健據黃金姜寶據鐵城宋遣秦州刺史蕭思

話話令陰平太守蕭祖攻拔之賊退酉水矣

漢水又東合蘧蔭漢口

克家云當作蘧蔭溪漢口

水北出就谷在長安西南其水南流逕巴谿戍西又南逕陽都坂東坂自上及下盤折一十九曲西連寒泉嶺漢中記曰自西城涉黃金峭寒泉嶺陽都坂峻崿百重絕壁萬尋既造其峰謂已踰崧岱復瞻前嶺又倍過之言陟羊腸超煙雲之際顧看向塗杳然有不測之險山豐野牛野羊騰巖越嶺馳走若飛觸突樹木十圍皆倒山殫良岨地窮坎勢矣其水南歷蘧蔭溪謂之蘧蔭水而南流注于漢謂之蔭口

水又東右會洋水

川流漫濶廣幾里許洋水導源巴山東北流逕平陽城漢中記曰本西鄉縣治也自城固南城南入三百八十里距南鄭四百八十里洋川者漢戚夫人之所生處也高祖得而寵之夫人思慕本鄉追求洋川高帝為驛致長安宋本作追求洋川米帝為驛致蜀復其鄉更名曰縣又故目其地為洋川用表夫人誕載之休祥也城即定遠矣漢順帝永光七年封班超以漢中郡南鄭縣之西鄉為定遠侯即此也洋水又東北流入漢謂之城陽水口也

漢水又東歷敖頭

舊立倉儲之所傍山通道水陸險湊魏興安康縣治有戍統領流襍

漢水又東合直水

水北出子午谷巖嶺下又南枝分東注旬水又南徙閣下山上有戍置於崇阜之上下臨深淵張子房燒絕棧閣示無還也又東南歷直谷逕直城西而南流注漢

漢水又東逕直城南

又東逕千渡而至蝦蟆嶺歷漢陽無口而屆于彭

谿龍竈矣並溪澗灘磧之名也

漢水又東逕晉昌郡之寧都縣南

縣治松谿口又東逕魏興郡廣城縣治王谷谷道南出巴獠有鹽井食之令人癯疾

漢水又東逕魚脯谿口

舊西城廣城二縣指此谷而分界也

又東過西城縣南

漢水又東逕鱉池而鯨灘鯨大也蜀都賦曰流漢湯湯驚浪雷奔望之天迴卽之雲昏者也漢水又東逕嵐谷北口嶂遠谿深澗峽嶮邃氣蕭蕭以瑟

嶮邃一本作吹近

按注則疑作谷

瑟風颼颼而颼颼故川谷擅其目矣  
漢水又東右得大勢

勢岨急谿故亦曰急勢也依山為城城周二里在  
峻山上梁州督護吉挹所治苻堅遣偏軍韋鍾伐  
挹挹固守二年不能下無援遂陷

漢水右對月谷口

山有坂月川於中黃壤沃衍而桑麻列植佳饒水  
田故孟達與諸葛亮書善其川土沃美也

漢水又東逕西城縣故城南

地理志曰西城故漢中郡之屬縣也漢末為西城

作移治得吳  
之謂要酷矣

郡建安二十四年劉備以申儀為西城太守儀據

郡降魏魏文帝改為魏興郡治故西城縣之故城

也氏略漢川梁州弘治於此舊本作私治於此謂

治於西城也吳改作弘治孫云當作移治城內有舜祠漢高帝廟置民

九戶歲時奉祠焉

漢水又東為鱣湍

洪波濟盪瀾浪雲頽古者舊言有鱣魚奮鱗溯流

望濤直上至此則爆鯁失濟爆鯁當故因名湍矣

漢水又東合旬水

水北出旬山東南流逕平陽戍下與直水枝分東

注逕平陽成入旬水旬水又東南逕旬陽縣與柞水合水西出柞谿南流逕重巖堡西屈而東流逕其堡南東南注于旬水旬水又東南逕旬陽縣南縣北山有懸書崖高五十丈刻石作字今人不能上不知所道山下石壇上有馬跡五所名曰馬跡山旬水東南注漢之旬口

漢水又東逕木蘭南

石岸有城名陵城周迴數里左岸壘石數十行重壘數十里中謂是處為木蘭塞云吳朝遣軍救孟達於此矣

漢水又東左得育漢克家云當作育溪

與晉旬陽二縣分界於是谷漢水又東注一作谷

甲水口水出秦嶺山東南流逕金井城南又東逕

上庸郡北與關柵宋本柵作柵水合水出上洛陽亭縣北

清泥西山南逕陽亭聚西俗謂之平陽水南合豐

鄉川水水出弘農豐鄉東山西南流逕豐鄉故城

南京相璠曰南鄉浙縣有故豐鄉春秋所謂豐浙

也孫云左傳作豐柵於地理屬弘農今屬南鄉又西南合

關柵水關柵水又南入上津注甲水甲水又東南

逕魏興郡之與陽南宋本作興陽南埤按晉書地理志魏興郡六縣有洵陽而無

南鄉疑作南陽或內鄉之誤

水經注卷二十七 十四 三百五十八



興陽是宋本亦誤矣當作洵陽晉武帝太康中立甲水又東右入漢水漢水又東為龍淵淵上有胡鼻山石類胡人鼻故也下臨龍井渚淵深數丈

漢水又東逕魏興郡之錫縣故城北

應劭曰錫音陽

為白石灘縣故春秋之錫穴地也故屬漢水

中當郡

王莽之錫治也縣有錫義山方圓百里形如城四面有門上有石壇長十數丈世傳列仙所居今有道士被髮餌木恒數十人山高谷深多生薇蘅草其草有風不偃無風獨搖漢水又東逕長利谷南入谷有長谷故城舊縣也

漢水又東歷姚方

蓋舜後枝居是處故地留姚稱也

初五日丙夜又閱

蓋我對林邑具嶽姑此留嶽蘇也  
蕪水又東逕嶽

經注箋卷第二十八

漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

沔水中

沔水又東過襄陽縣北

沔水又東逕方山北山上有鄒恢碑魯宗之所立也山下潭中有杜元凱碑元凱好尚後名作兩碑竝述已功一碑沈之峴山水中一碑下之於此潭曰百年之後何知不深谷為陵也山下水曲之隈

云漢女昔遊處也故張衡南都賦曰遊女弄珠於漢臯之曲漢臯即方山之異名也

沔水又東合檀谿水

水出縣西柳子山下東為鴨湖湖在馬鞍山東北

武陵王愛其峯秀改曰望楚山谿水自湖兩分北

渠即谿水所導也北逕漢陰臺西臨流望遠按眺

農圃情邈灌疏意寄漢陰故因名臺矣莊子云子貢南游於

楚反於晉過漢陰見一丈人方為圃畦鑿隧而入井抱甕而出灌子貢教之鑿木為榘挈水若抽為

圃者笑曰有機械者必有機事吾非不知羞而不為也又北逕檀谿謂之檀

谿孫云谿下側有沙門釋道安寺即谿之名以表

有機者必有機心

寺目也谿之陽有徐元直崔州平故宅悉人居故

習鑿齒與謝安書云每省家舅縱目檀谿念崔徐

之友宋本未嘗不撫膺躊躇惆悵終日矣谿水傷

城北注昔劉備為景升所謀乘的顛馬西走墜於

斯谿世語云劉備屯樊城劉表欲因宴會取備備

出備呼所乘馬曰的顛今曰可西去城里餘北

流注于沔一水東南出應劭曰城在襄水之陽故

曰襄陽也是水當即襄水也城北枕沔水即襄陽

縣之故城也王莽之相陽矣楚之北津戍矣今大

城西壘是也其土古鄢都盧羅之地秦滅楚置南

郡號此為北部建安十三年魏武平荊州分南郡

立為襄陽郡荊州刺史治邑居隱賑隱賑當作殷賑薛綜西京

賦注云殷賑謂富饒也冠蓋相望一都之會也城南門道東

有三碑一碑是晉太傅羊祜碑一碑是鎮南將軍

杜預碑一碑是安南將軍劉儼碑竝是學生所立

城東門外二百步劉表墓太康中為人所發見表

夫妻其尸儼然顏色不異猶如平生墓中香氣遠

聞三四里中經月不歇今墳冢及祠堂猶高顯整

頓城北枕沔水水中常苦蛟害襄陽太守鄧遐負

其氣果拔劍入水蛟繞其足遐揮劍斬蛟流血丹

水自後患除無復蛟難矣昔張公遇害亦亡劍於

是水後雷氏為建安從事逕踐瀨溪所留之劍忽

於其懷躍出落水初猶是劍後變為龍雷次宗豫章記云雷

孔章為豐城令於縣掘得二劍以一進司空張華

後華遇害此劍飛入襄城水中孔章臨亡戒其子

恒以所留之劍自隨後其子為建安從事經

淺瀨劍忽於腰間躍出遂見二龍相隨而去故吳

均劍騎詩云劍是兩蛟龍張華之言不孤為驗矣

沔水又逕平魯城南

原本北部下焉字

城魯宗之所築也故城得厥名矣東對樊仲山甫

所封也漢晉春秋稱桓帝幸樊城百姓莫不觀有

一老父獨耕不輟議郎張溫使問焉父笑而不答

道元與吳均同時安得引用其詩疑此書後人附益者多矣

京林云東對樊城脫一城字

水經注卷之二十一  
三頁十四  
溫因與之言問其姓名不告而去城周四里南半  
淪水建安中關羽圍于禁於此城會沔水泛溢三  
丈有餘城陷禁降龐德奮劍乘舟投命於東岡魏  
武曰吾知于禁三十餘載至臨危授命更不如龐  
德矣城西南有曹仁記水碑杜元凱重刊其後書  
伐吳之事也

又從縣東屈西南涓水從北來注之

襄陽城東有東白沙白沙北有三洲東北有宛口  
卽涓水所入也

沔水中有魚梁洲

龐德公所居士元居漢之陰在南白沙世故謂是  
地爲白沙曲矣司馬德操宅洲之陽望衡對宇懽  
情自接泛舟褰裳率爾休暢豈待還桂柁於千里  
貢深心於永思哉水南有層臺號曰景升臺蓋劉  
表治襄陽之所築也言表盛遊於此常所止憩表  
性好鷹嘗登此臺歌野鷹來曲其聲韻似孟達上  
堵吟矣

沔水又逕桃林亭東

又逕峴山東山上有桓宣所築城孫堅死於此又  
有桓宣碑羊祜之鎮襄陽也與鄒潤甫嘗登之及

祜薨後人立碑於故處望者悲感杜元凱謂之墮  
淚碑山上又有征南將軍胡羆碑又有征西將軍  
周訪碑山下水中杜元凱碑處

沔水又東南逕蔡洲

漢長水校尉蔡瑁居之故名蔡洲襄陽者舊傳云蔡瑁字德珪性

豪自喜少為魏武所親瑁家在蔡洲上屋宇甚好四牆皆以青石結角婢妾數百人別業四五十處

洲大岸西有沔湖停水數十畝長數里廣減百步

水色常淥楊儀居上沔楊顛居下沔襄陽者舊傳云楊儀字威

公為蜀相諸葛亮長史亮出軍儀常規畫分部籌度糧穀不措思慮須臾便了楊顛字子昭為丞相

亮主簿後嘗為東曹屬典選舉及顛死亮泣三日曰楊顛於朝中多損益矣與蔡洲

習郁封襄陽侯

相對在峴山南廣昌里又與襄陽湖水合水上承

鴨湖東南流逕峴山西又東南流注白馬陂水又

東入侍中襄陽侯習郁魚池郁依范蠡養魚法作

大陂陂長六十步廣四十步池中起釣臺池北亭

郁墓所在也列植松篁於池側沔水上郁所居也

又作石伏逗引大池水於宅北作小魚池池長七

十步廣十二步西枕大道東北二邊限以高堤楸

竹夾植蓮芡覆水是遊宴之名處也山季倫之鎮

襄陽每臨此池未嘗不大醉而還恒言此是我高

陽池故時人為之歌曰山公出何去往至高陽池

孝子秦氏  
似亡其名  
病不能食  
虎常乳之  
亦奇事也

日暮倒載歸。酪酏無所知。其水下入沔。沔水西。又有孝子墓。河南秦氏。性至孝。事親無倦。親沒之後。負土成墳。常泣血墓側。人有咏蓼莪者。氏為泣。涕悲不自勝。於墓所得病。不能食。虎常乳之。百餘日。卒。今林木幽茂。號曰孝子墓也。其南有蔡瑁冢。冢前刻石為大鹿狀。甚大。頭高九尺。制作甚工。

沔水又東南。南邑城北。

宋本作東南。南邑城北。

習郁襄陽侯之封邑也。故曰邑城矣。

襄陽耆舊傳。習郁字文通。

為黃門侍郎。封襄陽公。

沔水又東。合洞口。

水出安昌縣。城東北。大父山。西南流。謂之白水。

又南。逕安昌故城。東。屈逕其縣南。縣故蔡陽之白

水鄉也。漢元帝以長沙卑濕。分白水上。唐二鄉為

春陵縣。光武即帝位。改為章陵縣。置園廟焉。魏黃

初二年。更從今名。故義陽郡治也。白水又西南流。

而左。會昆水。水導源城東南。山西流。逕今山北。

又西南流。逕縣南。西流。注于白水。水北有白水陂。

其陽有漢光武故宅。基址存焉。所謂白水鄉也。蘇

伯河望氣處也。光武之征秦豐。幸舊邑。置酒極歡。

張平子以為真人南巡。觀舊里焉。東觀漢記曰。明

帝幸南陽。祀舊宅。召校官子弟作雅樂。奏鹿鳴。上自御塤。箎和之。以娛賓客。又於此宅矣。白水又西合澧水。水出于襄鄉縣東北。陽中山。山西逕襄鄉縣之故城北。按郡國志。是南陽之屬縣也。澧水又西逕蔡陽縣故城。東西南流。注于白水。又西逕其城南。建武十六年。世祖封城陽王祉。世子本爲侯國。應劭曰。蔡水出蔡陽。東入淮。今於此城南。更無別水。唯是水可以當之。川流宋本西注。苦其不東。且淮源岨礙。山河無相入之理。蓋應氏之誤耳。洞水又西南流。注于沔水。

又東過中廬縣。東淮水自房陵縣淮山東流。注之。

縣卽春秋廬戎之國也。縣故城南有水。出西山。山有石穴。出馬。謂之馬穴。山漢時有數百匹馬。出其中。馬形小。似巴滇馬。三國時。陸遜攻襄陽。於此穴。又得馬數十匹。送建業。蜀使至。有家在滇池者。識其馬毛色。云其父所乘馬。對之流涕。其水東流。一百四十里。逕城南。名曰浴馬港。言初得此馬。洗之於此。因以名之。亦云乘出沔。次浴之。又曰洗馬。旣渡沔。宿處。名之曰騎亭。然侯水諸蠻。北邊是水。南壅淮川。以周田。溉下流入沔。



泗水東南逕黎丘故城西

其城下對繕州秦豐居之故更名秦洲王莽之敗

也秦豐阻兵於黎丘黎丘城在觀城西二里建武

三年光武遣征南岑彭擊豐四年朱祐自觀城淪

豐於黎丘是也後漢書作圃泗水又南與疎水合

水出中廬縣西南東流至卽縣北界東入泗水謂

疎口也水中有物如三四歲小兒鱗甲如鯪鯉射

之不可入七八月中好在積中自曝膝頭似虎掌

瓜常沒水中出膝頭小兒不知欲取弄戲便殺人

劉昭注彪志水唐作

木廬字形相似不知孰誤

者也後漢郡國志注引盛氏荆州記云生得者摘其鼻厭可小便便名爲水廬十道志引襄陽

記云或水生得者摘其鼻可小便使之名曰水廬孫云或水生得者水虎之勢也可爲媚藥善使內也

又南過卽縣東北一作後漢志亦作卽誤當作卽音忌

泗水之左有騎城周迴二里餘高一丈六尺卽騎

亭也縣故楚邑也秦以爲縣漢高帝十二年封黃

極忠爲侯國孫云按史記年表黃極忠封卽侯漢書音義曰巨已反及索隱曰卽縣屬南

郡縣南有黃家墓墓前有雙石闕彫制甚工俗謂

之黃公闕黃公名尚爲漢司徒泗水又東逕豬蘭

橋橋本名荻蘭橋宋本作木蘭橋橋之左右豐蒿荻於橋

東劉季和襄陽耆舊傳云劉洪字季和沛國相人也晉太安中持節南蠻校尉荆州刺史

後復有木蘭之名洪即劉和季和晉陽秋作叔和

泗水東南逕黎丘故城西

其城下對繕州秦豐居之故更名秦洲王莽之敗

也秦豐阻兵於黎丘黎丘城在觀城西二里建武

三年光武遣征南岑彭擊豐四年朱祐自觀城淪

豐於黎丘是也後漢書作圃泗水又南與疎水合

水出中廬縣西南東流至卽縣北界東入泗水謂

疎口也水中有物如三四歲小兒鱗甲如鯪鯉射

之不可入七八月中好在積中自曝膝頭似虎掌

瓜常沒水中出膝頭小兒不知欲取弄戲便殺人

劉昭注彪志水唐作

者也

後漢郡國志注引盛氏荆州記云生得者摘其鼻厭可以小使各為水唐

記云或

有生得孫云至卽侯十三水廬十道志引襄泗

又南過卽縣東北

後漢志亦作卽誤當作卽音忌

泗水之左有騎城周迴二里餘高一丈六尺卽騎

亭也縣故楚邑也秦以為縣漢高帝十二年封黃

極忠為侯國

孫云按史記年表黃極忠封卽侯漢書音義曰巨已及索隱曰卽縣屬南

縣南有黃家墓墓前有雙石闕彫制甚工俗謂

之黃公闕黃公名尚為漢司徒泗水又東逕豬蘭

橋橋本名荻蘭橋

宋本作木蘭橋橋之左右豐蒿荻於橋

東劉季和

襄陽耆舊傳云劉洪字季和沛國相人也晉太安中持節南蠻校尉荆州刺史

木廬字形相似不知孰誤

後復有木蘭之名洪即劉和季和晉陽秋作叔和

水經注卷之八

卷之八

八

水經注卷之八 泗水 三百七十六

討平逆賊張昌時荆部守宰多缺洪請補選敘功  
銓德隨才補授甚為論者所稱勸課農桑寬刑省  
賦歲用有年百姓愛悅 大養豬襄陽太守曰此中豬屎臭可

易名豬蘭橋。百姓遂以為名矣。橋北有習郁宅。宅  
側有魚池。池不假功自然通漁。長六七十步。廣十  
丈。常出名魚。

沔水又南得木里水會

楚時於宜城東穿渠上口去城三里。漢南郡太守

伍寵王海二十一卷又鑿之引蠻水灌田。謂之木

里溝。逕宜城東而東北入于沔。謂之木里水口也。

又南過宜城縣東。夷水出自房陵。東流注之。

夷水蠻水也。桓温父名夷。改曰蠻水。按晉書桓温  
父名名夷官宜

夷太宰此云名夷  
蓋嫌音之同也夷水導源中廬縣界康狼山。山

與荆山相隣。其水東南流。歷宜城西山。謂之夷谿。

又東南逕羅川城。故羅國也。又謂之鄢水。春秋所

謂楚人伐羅。渡鄢者也。夷水又東南流。與零水合。

零水即沔水也。謝云沔一作  
沔疑作沔上通梁州。沒陽縣之

默城山。司馬懿出沮之所由。其水東逕新城縣之

沔鄉縣。縣分房陵丘。謂之沔水。又東歷軫鄉。謂之

軫水。晉武帝平吳。割臨沮之北鄉中廬之南鄉。立

上黃縣。治軫鄉。沔水又東歷宜城西山。謂之沔谿。

東流合於夷水謂之沔口也與夷水亂流東出謂之淇水逕蠻城城南在宜城南三十里春秋莫敖自羅敗退及鄢亂次以濟淇水是也夷水又東注于沔昔白起攻楚引西山谷水卽是水者也舊竭去城一百許里水從城西灌城東入注爲淵今廢斗陂是也水潰城東北角百姓隨水流死於城東者數十萬城東皆臭因名其陂爲臭池後人因其渠流以結陂田城西陂謂之新陂覆地數十頃西北又爲土門陂從平路渠以北木蘭橋以南西極土門山東跨大道水流周通其水自新陂東入城

城其水歷大城中逕漢南陽太守秦頡墓北墓前

有二碑頡郡人也宋本作郡人也以江夏都尉出爲南陽

太守逕宜城中見一冢東向頡住車視之曰此居

處可作冢後卒於南陽喪還至昔住車處車不肯

進故吏爲市此宅葬之孤墳向宋本作塋冢前有二

碑城南有宋玉宅玉邑人雋才辯給善屬文而識

音也其水又逕金城前縣南門有古碑猶存其水

又東出城東注臭池臭池溉出陂水散流又入朱

湖陂朱湖陂亦下灌諸田餘水又下入木里溝木

亭林云當作尚整

東流合於夷水謂之沔口也與夷水亂流東出謂之淇水逕蠻城城南在宜城南三十里春秋莫敖自羅敗退及鄢亂次以濟淇水是也夷水又東注于沔昔白起攻楚引西山谷水即是水者也舊竭去城一百許里水從城西灌城東入注為淵今廢斗陂是也水潰城東北角百姓隨水流死於城東者數十萬城東皆臭因名其陂為臭池後人因其渠流以結陂田城西陂謂之新陂覆地數十頃西北又為土門陂從平路渠以北木蘭橋以南西極土門山東跨大道水流周通其水自新陂東入城

城故鄢郢之舊都秦以為縣漢惠帝三年改曰宜城其水歷大城中逕漢南陽太守秦頡墓北墓前有二碑頡郡人也宋本作郡人也以江夏都尉出為南陽

宋本亦作鄢人也 頡 東向頡室觀之曰此居

亭林云當作尚整

進故吏為市此宅葬之孤墳向宋本作塋家前有二碑城南有宋玉宅玉邑人雋才辯給善屬文而識音也其水又逕金城前縣南門有古碑猶存其水又東出城東注臭池臭池溉出陂水散流又入朱湖陂朱湖陂亦下灌諸田餘水又下入木里溝木

里溝是漢南郡太守王寵所鑿故渠引鄠水也灌田七百頃白起渠溉三千頃膏良肥美更爲沃壤也縣有太山山下有廟漢末多士其中刺史二千石卿長數十人朱軒華蓋同會於廟下荆州刺史行部見之雅歎其盛號爲冠蓋里而刻石銘之此碑於永嘉中治始當作爲人所毀其餘文尚有可傳者其辭曰峨峨南岳烈烈離明寔敷儔又君子以生惟此君子作漢之英德爲龍光聲化鶴鳴此山以建安三年崩聲聞五六十里雉皆屋雒縣人惡之以聞侍中龐季云山崩川竭國土將亾之占也

十三年魏武平荊州沔南彫散

沔水又逕都縣故城南

古都子之國也秦楚之間自商密遷此爲楚附庸楚滅之以爲邑縣南臨沔津津南有石山上有古烽火臺縣北有大城卽楚昭王爲興所迫徙都鄢徙都之所謂鄢都盧羅之地也左傳云吳人敗楚舟師楚國大囂於是乎遷鄢於都而改紀其政秦以爲縣

沔水又東敖水注之

水出新市縣東北又西南太陽山宋本作又西南南逕太陽山

南流逕新市縣北又西南而右合枝水水出大洪

山而西南流逕襄陽郡郡端作縣界西南逕狄城東南左注敖水敖水又西南流注于沔寔曰激口沔水又南逕石城西城因山為固晉太傅羊祜鎮荊州立晉惠帝元康九年分江夏西部置竟陵郡治此

沔水又東南與白水合

水出竟陵縣東北耶屈山一名盧屈山西流注于沔魯定公四年吳師入郢昭王奔隨濟于成白謂是水者也又東過荆城東

沔水自荆城東南流逕當陽縣之章山東

山上有故城太尉陶侃伐杜曾所築也禹貢所謂內方山至于大別者也既濱帶沔流寔會尚書之

文矣

晉書杜曾與第五猗分據漢沔時陶侃新破杜曾乘勝討曾進軍圍石城曾潛襲侃侃敗

沔水又東南會權口

水出章山東南流逕權城北古之權國也春秋魯莊公十八年楚武王克權權叛圍而殺之遷權於那處是也東南有那口城權水又東入于沔

沔水又東南與陽口合

水上承江陵縣赤湖江陵西北有紀南城楚文王自丹陽徙此平王城之班固言楚之郢都也城西

闕以權叛圍而殺之者緣也疑夫本意事亦不在此時見十八年傳耳

南有赤坂岡。岡下有瀆水。東北流入城。名曰子胥瀆。蓋吳師入郢所開也。謂之西京湖。又東北出城西南。注于龍陂。陂古天井水也。廣圓二百餘步。在靈谿東。江隄內。水至淵深。有龍見于其中。故曰龍陂。陂北有楚莊王釣臺。高三丈四尺。南北六丈。東西九丈。陂水又逕郢城南。東北流。謂之楊水。又東北路。克家云。路當作流。曰湖水。注之湖在大港北。港南曰中湖。南隄下曰昏官湖。三湖合為一水。東通荒谷。荒谷東岸有治父城。春秋傳曰莫敖縊於荒谷。羣帥囚於治父。謂此處也。春秋水盛則南通大江。否

則南迄江隄。北逕方城。西方城即南蠻府也。又北與三湖會。故盛弘之曰南蠻府東有三湖。源同一水。蓋徙治西府也。宋元嘉中。通路自湖下。注楊水。以廣運漕。楊水又東。歷天井。北井在方城北。里餘。廣員二里。其深不測。并有潛室。潛見輒兵。西岸有天井臺。因其基舊隄。臨際水湄。遊憩之佳處也。楊水又東北流。得東赤湖水口。湖周五十里。城下陂池皆來會。同湖東北有大置臺。高六丈餘。縱廣八丈。一名清暑臺。秀宇層明。通望周博。遊者登之。以暢遠情。楊水又東入華容縣。有靈港水。西通赤湖水口。



地多下湖舊本作水口已下周五十里城下陂池

皆會來同克家云當作皆來會同又有子胥瀆蓋入郢所開

也水東入離湖湖在縣東七十五里國語所謂楚

靈王闕為石郭陂漢以象帝舜者也今國語無此石郭象舜語

湖側有章華臺臺高十丈基廣十五丈左丘明曰

楚築臺於章華之上韋昭以為章華亦地名也王

與伍舉登之舉曰臺高不過望國之氛祥大不過

容宴之俎豆蓋譏其奢而諫其失也言此瀆靈王

立臺之日漕運所由也其水北流注于楊水楊水

又東北與祥谿水合水出江陵縣北蓋諸池之水

咸所會合積以成川東流逕魯宗之壘南當驛路

水上有大橋隆安三年桓玄襲殷仲堪於江陵仲

堪北奔縊於此橋祥谿當作谿又東注船官湖湖水

又東北入女觀湖湖水又東入于楊水楊水又北

逕竟陵縣西又北納巾吐柘柘水即下楊水也巾

水出縣東一百九十里西逕巾城下城下置巾水

成晉元熙二年竟陵郡上巾水成山得銅鍾七口

言之上府巾水又西逕竟陵縣北西逕楊水謂之

巾口水西有古竟陵大城古鄖國也鄖公辛所治

所謂鄖鄉矣昔白起拔郢東至竟陵即此也秦以

即當為邪

為縣王莽之守平矣世祖建武十三年更封劉隆  
為侯國城傍有甘魚陂左傳昭公十三年公子黑  
肱為令尹次于魚陂者也楊水又北注于沔謂之  
楊口中夏口也曹太祖之遣劉備於當陽也張飛  
按子山於長坂備得與數騎即趣漢津遂濟夏口是  
也沔水又東得澹口其水承大澹馬骨諸湖水周  
三四百里及其夏水來同浩宋本若滄海洪潭克  
洪濤巨浪縈連江沔故郭景純江賦云其傍側  
當作有珠澹丹灑是也

又東南逕江夏雲杜縣東夏水從西來注之

自土沮漆齊  
詩作自杜  
與土吉通

即堵口也為中夏水縣故邛亭左傳所為若敖聚  
於邛是也禹貢所謂雲土夢作又故縣取名焉縣  
有雲夢城城在東北

沔水又東逕左桑

昔周昭王南征船人膠舟以進之昭王渡沔中流  
而沒死於是水齊楚之會齊侯曰昭王南征之不  
復寡人是問屈完曰君其問諸水濱庾仲雍言村  
老云百姓佐昭王喪事於此成禮而行故曰佐喪  
左桑字失體耳

沔水又東合巨亮水口

水北承亮湖南達于沔

沔水又東得合驛口

庾仲雍言須導村者舊云朝廷驛使合王喪於是因以名焉今須導村正有大斂口言昭王於此殯斂矣

沔水又東謂之橫桑

言得昭王喪處也

沔水又東謂之鄭潭

言鄭武公與王同溺水於是今謂世數既懸為不近情矣斯乃楚之鄭鄉守邑大夫僭言公故世以

為鄭公潭耳

沔水又東得歿沔

言昭王濟自是歿沔故有歿沔之稱王尸豈逆流乎但千古茫昧難以昭知推其事類似是非矣

沔水又東與力口合

有澠水出竟陵郡新陽縣西南河地山東流逕新陽縣南縣治雲杜故城分雲杜立澠水又東南流注宵城縣南大湖又南入于沔水是曰力口

沔水又東南澗水入焉

沔水又東逕沌水口水南通縣之太白湖湖水東

水逕上流

卷二十八

水

田

死沔當是沔之枯瀆

水經注

卷二十八

水

二百七十一

南通江又謂之沌口

沔水又東逕沌陽縣北

處沌水之陽也沔水又東逕林鄣故城北晉建興

二年太尉陶侃為荊州鎮此也

又南至江夏沙羨縣北南入于江

庾仲雍曰夏口一曰沔口矣尚書禹貢云漢水南

至大別入江春秋左傳定公四年吳師伐郢楚子

常濟漢而陳自小別至于大別京相璠春秋土地

名曰大別漢東山名也在安豐縣南杜預釋地曰

二別近漢之名無緣乃在安豐也案地說言漢水

康成引地說今亡

東行觸大別之陂南與江合則與尚書杜預相符

但今不知所是矣

沔水與江合流又東過彭蠡澤

尚書禹貢匯澤也鄭玄曰匯回也漢與江鬪轉東

城當作成其澤矣

又東北出居巢縣南

古巢國也湯伐桀桀奔南巢即巢澤也尚書周有

巢伯來朝春秋文公十二年夏楚人圍巢巢羣舒

國也舒叛故圍之永平元年漢明帝更封菑丘侯

劉般為侯國也江水自濡湏口又東左會柵口水

遵巢湖東逕烏上城北又東逕南譙僑郡城南又東絕塘逕附農山北又東左會清谿水水出東北馬子硯疑作之清谿也東逕清谿城南屈而西南流歷山西南流注柵水謂之清谿口柵水又東左會白石山水水發白石山西逕李鵲城南西流注柵水柵水又東南積而為竇湖中有洲湖東有韓縱山山上有城山北湖水東出為後塘北湖湖南即塘也塘上有潁川僑郡故城也湖疑竇湖水東出謂之竇湖口湖水東出逕刺史山北歷韓縱山南逕流二山之間出王武子城北城在刺史山上

湖水又東逕右塘穴北為中塘塘在四水中水出格虎山北山上有虎山有郭僧坎城水北有趙祖悅城並故東關城也昔諸葛恪帥師作東興隄以遏巢湖傍山築城使將軍全端留略等各以千人守之魏遣司馬昭督鎮東諸葛誕率眾攻東關三城將毀隄遏諸軍作浮梁陳於隄上分兵攻城恪遣冠軍丁奉等登城鼓譟奮擊朱異等以水軍攻浮梁魏征東胡遵軍士爭渡梁壞投水而死者數千塘即東興堤城亦關城也柵水又東南逕高江產城南胡景城北又東南逕張祖禧城南東南流

此即漢志丹  
揚郡之石城  
也晉以後屬  
宣城

屈而北逕鄭衛尉城西魏事已已字下當難用取  
悉推舊訪新略究如此又北委折蒲浦出焉柵水  
又東南流注于大江謂之柵口水

又東過牛渚縣南又東至石城縣晉志宣城郡  
有石城縣

經所謂石城縣者即宣城郡之石城縣也牛渚在  
姑熟烏江兩縣界中也於石城東北減五百許里  
安得逕牛渚而方界石城也蓋經之謬誤也

分爲二其一東北流其一又過毗陵縣北爲北江  
地理志曰毗陵縣舊會稽之屬縣丹徒縣也北二  
百步有故城本毗陵郡治也舊去江三里岸稍毀

遂至城下城北有楊州刺史劉繇墓淪于江江即  
北江也經書在北江則可又言東至餘姚則非考  
其逕流知經之誤矣地理志曰江水自石城東出  
逕吳國南爲南江江水自石城東入爲貴口東逕  
石城縣北晉太康元年隸宣城郡東合天谿谿水  
首受江北逕其縣故城東又北入南江  
南江又東與貴長池水合

水出縣南郎山北流爲貴長池池水又北注于南  
江

南江又南東逕宣城之臨城縣南

宣城郡晉太康三年置郡有  
臨城縣疑後人增入

又東合注涇水

南江又東與桐水合

又東逕安吳縣號曰安吳谿又東旋谿水注之水

出陵陽山下逕陵陽縣西為旋谿水昔縣人陽子

明釣得白龍處後三年龍迎子明上陵陽山山去

地千餘丈後百餘年呼山下人令上山半與語谿

中子安問子明釣車所在後二十年子安歿山下

有黃鶴栖其冢樹鳴常呼子安故縣取名焉列仙傳云

陵陽子明者銜人也於旋谿釣得白龍子明懼解  
鉤拜而放之後得白魚腹中有書教子明服食之  
法子明遂上黃山深石脂沸水而服之三年龍  
來迎去止陵陽山山去地千餘丈大呼

山下人令上山半言谿中子安當來問子明釣  
車所在後二十餘年子安歿人取葬石山下有黃  
鶴來栖其塚邊樹上鳴呼子安云晉咸康四年改曰廣陽縣漢水

又北合東谿水水出南里山北逕其縣東桑欽曰

淮水出縣之東南北入大江其水又北歷蜀由山

又北左合旋谿北逕安吳縣東晉太康元年分宛

陵立縣南有落星山山有懸水五十餘丈下為深

潭潭水東北流左入旋谿而同注南江之北即宛

陵縣界也

南江又東逕寧國縣南

晉太康元年分宛陵置南江又東逕故彰縣南

故當作安吉縣北光祜之末天下大亂此保險守節  
 漢朝嘉之中平二年分故彰章之南鄉以為安吉縣  
 縣南有釣頭泉懸湧一仞乃流于川川水下合南  
 江

南江又東北為長瀆歷河口

江南東注于具區謂之五湖口五湖謂長塘湖太  
 湖射貴湖脫上湖二字滈湖也郭景純江賦曰注五湖  
 以漫漭蓋言江水經緯五湖而苞注太湖也是以  
 左丘明述國語曰越伐吳而戰於五湖是也又云  
 范蠡滅吳返至五湖而辭越斯乃太湖之攝通稱

苞當作包

也虞翻曰是湖有五道故曰五湖韋昭曰五湖今  
 太湖也尚書謂之震澤爾雅以為具區方員五百  
 里湖有苞山春秋謂之夫椒山有洞室入焉潛行  
 北通琅邪東武縣俗謂之洞庭旁有青山一名東  
 架山山有洞穴潛通脫字庭山上有石鼓長丈餘  
 鳴則有兵故吳記曰太湖有苞山在國西百餘里  
 居者數百家出弓弩材旁有小山山有石穴南通  
 洞庭深遠莫知所極三苗之國左洞庭右彭蠡今  
 宮亭湖也以太湖之洞庭對彭蠡則左右可知也  
 余按二湖俱以洞庭為目者亦分焉左右也但以



餘姚縣有  
句餘山在  
南

趣矚為方耳既據三苗宜以湘江為壘是以郭景  
純之江賦云爰有包山洞庭巴陵地道瀟達傍通  
幽岫窈窕山海經曰浮玉之山北望具區茗水出  
于其陰北流注于具區謝康樂云山海經浮玉之  
山在句餘東五里便是句餘縣之東山乃應入海  
具區今在餘姚鳥道山北舊本作何由北望具區  
也以為郭於地理甚昧矣言洞庭南口有羅浮山  
高三千六百丈浮山東石樓下有兩石數扣之清  
越所謂神鉦者也事備羅浮山記會稽山宜直湖  
南又有山陰谿水入焉山陰縣西四十里有二谿

東谿廣一丈九尺冬煖夏冷西谿廣三丈五尺冬  
冷夏煖二谿北出行三里至徐村合成一谿廣五  
丈餘而溫涼又雜蓋山海經所謂茗水也北逕羅  
浮山而下注于太湖故言出其陰入于具區也湖  
中有大雷小雷三山亦謂之三山湖又謂之洞庭  
湖楊脩五湖賦曰頭首無錫足跡松江負鳥程於  
背上懷太吳以當胸岞嶺崔嵬穹隆紆曲孫云按  
岞嶺作岞嶺大雷小雷瀛波相逐用言湖之苞  
極也太湖之東吳國西十八里有岞嶺山俗說此  
本在太湖中禹治水移進近東又西南有兩小山

疑有脫

皆有石如卷竿山云

山字誤當作徐云

禹所用

孫云當作開

牽

東也。太湖中有淺地，長老云是竿嶺山，自此以求差深，言是牽山之溝。此山去太湖三十餘里。

東則松江出焉

上承太湖，更逕笠澤。在吳南，松江左右也。國語曰：

越伐吳，吳禦之笠澤。越軍江南，吳軍江北者也。虞

氏曰：松江北去吳國五十里。江側有丞胥二山，山

各有廟，國南五十里。魯哀公十三年，越使二大夫

疇無餘，謳陽等伐吳，吳人敗之，獲二大夫。處

故立廟於山上，號曰丞胥二王也。胥山上今有壇

越絕書九折作九曲

石長老云：胥神所治也。下有九折路，南出太湖，闔閭造以遊姑胥之臺，以望太湖也。松江自湖東北流，逕七十里。

江水奇分謂之三江口

奇分當作岐分爾雅水岐為渚

吳越春秋稱范蠡去越乘舟出三江之口，入五湖

之中者也。此亦別為三江五湖，雖稱相亂，不與職

方同。庾仲初楊都注曰：今太湖東注為松江，下七

十里有水口，分流東北入海，為婁江。東南入海為

東江，與松江而三也。吳記曰：一江東南行七十里

入小湖，為次谿，自湖東南出，謂之為谷水。吳記曰：

江水奇分非經乃鄭注以米長文吳郡圖經續記校

而三下圖經續記有非禹貢之三江水字疑亦鄭氏原文

由一作

谷水出吳小湖逕由卷縣故城下神異傳曰由卷  
 縣秦時長水縣也始皇時縣有童謠曰城門當有  
 血城陷沒為湖有老嫗聞之憂懼且往窺城門門  
 侍按神記將欲縛之嫗言其故嫗去後門侍煞犬以  
 血塗門嫗又往見血走去不敢顧忽有大水長欲  
 沒縣主簿令幹入白令令見幹曰何忽作魚幹又  
 曰明府亦作魚遂乃淪陷為谷矣因目長水城水  
 曰谷水也吳記曰谷中有城故由卷縣治也即吳  
 之柴僻亭故就李鄉構李之地秦始皇惡其勢王  
 令囚徒十餘萬人汗其土表以汗惡各改曰囚卷

亦曰由卷也吳黃龍四年有嘉禾生卷縣改曰禾  
 興後太子諱和改為嘉興春秋之構李城也谷水  
 又東南逕嘉興縣城西谷水又東南逕鹽官縣故  
 城南舊吳海昌都尉治晉太康中分嘉興治太康  
 地道記吳有鹽官縣樂資九州志曰縣有秦逕山  
 秦始皇逕此美人死葬于山上山下有美人廟谷  
 水之右有馬罕城故司鹽都尉城吳王渙煮海為  
 鹽於此縣也是以漢書地理志曰縣有鹽官東出  
 五十里有武原鄉故越地也秦於其地置海鹽縣  
 地理志曰縣故武原鄉也後縣淪為柘湖又徙治

由一作

谷水出吳小湖逕由卷縣故城下神異傳曰由卷  
 縣秦時長水縣也始皇時縣有童謠曰城門當有  
 血城陷沒為湖有老嫗聞之憂懼且往窺城門門  
 侍按神記將欲縛之嫗言其故嫗去後門侍煞犬以  
 血塗門嫗又往見血走去不敢顧忽有大水長欲  
 沒縣主簿令幹入白令令見幹曰何忽作魚幹又  
 曰明府亦作魚遂乃淪陷為谷矣因目長水城水  
 曰由故由卷原本作故曰卷  
 之柴僻亭故就李鄉構李之地秦始皇惡其勢王  
 令囚徒十餘萬人汗其土表以汗惡各改曰囚卷

亦曰由卷也吳黃龍四年有嘉禾生卷縣改曰禾  
 興後太子諱和改為嘉興春秋之構李城也谷水  
 又東南逕嘉興縣城西谷水又東南逕鹽官縣故  
 城南舊吳海昌都尉治晉太康中分嘉興治太康  
 地道記吳有鹽官縣樂資九州志曰縣有秦逕山  
 秦始皇逕此美人死葬于山上山下有美人廟谷  
 水之右有馬羣城故司鹽都尉城吳王渙煮海為  
 鹽於此縣也是以漢書地理志曰縣有鹽官東出  
 五十里有武原鄉故越地也秦於其地置海鹽縣  
 地理志曰縣故武原鄉也後縣淪為柘湖又徙治

武原鄉改曰武原縣王莽名之辰武漢安帝武原之地又淪為湖今之當湖也後乃移此縣南有秦望山秦始皇所登以望東海故山得其名焉谷水於縣出為散浦以通巨海光熙元年有毛民三人集於縣蓋汎於風也

又東至會稽餘姚縣東入于海

謝靈運云具區在餘姚然則餘暨是餘姚之別名也今餘暨之南餘姚西北浙江與浦陽江同會歸海但水名已殊非班固所謂南江也郭景純曰三江者岷江松江浙江也然浙江出南蠻中不與岷

江同作者之說多言江水至山陰為浙江今浙江之流亦經烏程縣南通餘杭縣則與浙江合故鬪駟十三州志曰江水至會稽與浙江合浙江自臨平湖南通浦陽江又於餘暨東合浦陽江自秦望分派東餘姚縣又為江也東與車箱水合水出車箱山乘高瀑布四十餘丈雖有水旱而澍無增減江水又東逕黃橋下

臨江有漢蜀郡太守黃昌宅橋本昌創建也昌為州書佐妻遇賊相失後會於蜀復修舊好江水又東逕緒山南虞翻嘗登此山四望誠子孫可居江

散誤當作

北世有祿位居江南則不昌也然住江北者相繼代興時有江南者輒多淪替仲翔之言為有徵矣

孔叅會稽記云昔虞翻嘗登此山望四郭誠子孫曰可留江先居後世祿位當過于我聲名不及爾然相繼代興居江南必不昌江水又經官倉倉即日南太守虞

國舊宅號曰西虞以其兄光居縣東故也是地即

其雙鴈送故處孔騰會稽記云虞國為日南太守有惠政出則雙鴈隨軒及還會稽

鴈亦隨焉其卒也猶棲於墓不去

江水又東逕餘姚縣故城南

縣城是吳將所築宋本作吳將南臨江津北背巨

海夫子所謂滄海清萬里之淵也縣西去會稽

一百四十里因其句餘山宋本作勾章山以名縣山在餘

姚之南句章之北也江水又東逕穴湖塘湖水沃

其一縣並為良疇矣

江水又東注于海

是所謂三江者也故子胥曰吳越之國三江環之

民無所移矣但東南地卑萬流所湊濤湖泛決觸

地成川枝津交渠世家分夥故川舊瀆難以取

雖麤依縣地緝綜所纏亦未必一得其實也

西北詳東南略吳中尤略楚地頗詳

九月初六日閱

補校

廣信一作吾雒

封鄧珍為侯國

珍鄧禹子

何焯漫述



